

KIMSĪRI MISTJJAWI

Jeffersonville, Indiana, USA

30 Junio 1963

1 Jichhajj p'iqinakas alt'añani mayisiñataki, p'iqinakas alt'asa, jiskt'asiraktwa inas khitin utjchispa mä mayiwijja ukat uskt'añataki Dios nayraqatäna. Amparanakam loqtapjjam, ukatsti chuymaman mayiwim phoqhappjam.

2 Alajjpachankir Awki, nanakajj wal yuspagarapjjsma, yaqha pacha aka Wiñay toqin tantachasiñataki. Nanakajj thaqasiptwa jichha alwatajj uka ch'am machaqqipstayañataki kunati jutki Jumatjja, ukat uka ch'amamp sayt'asiñataki kunati jutki jichhurujja. Nanakajj tantachasipjjtwa kunjjamati uka kimsa Hebreo waynanakajj tantachasipjjäna wali alwanakäta, ukat apthapiñataki uka Manä kunati churatakäna jupanakarujj sapa jayp'u arumanakajj, ukat qhepurujj manq'asipjjänwa taqe ukanakjja. Nanakajj jichha alwatajj tantachasipjjtwa uka Manä Ajay toqin ch'amanchasiñataki jichha urujj.

3 Uka sapa maynin amparanak loqtat manqhanjja, Jumajj yattawa kunti jupanakajj munapki ukjja, Tatäy, ukat nayajj jupanakamp mayacht'asta mayisiñataki Juman nayraqatamäna, ukat Jumajj yanapt'asma sapa mayniru kunati jupanakajj munapki ukanakampi. Qollt'asirakim usutanakaru khitinakati jan walt'añanki ukanakarus, Tatäy, nanakajj yatipjjarakatwa Jumajj mä Dios ukjjamatäwa, Jumajj taqe kunwa lurasmajj, ukjjam Jumajj sawaytajj lurañatakijj, sitejj nanakajj lurapjjirista uka q'ochjjamajj. "Iyaw samay" Ukat kunjjamti jach'a arunak ist'ktanjja, "Sarnakäña ukat parlasiña uka Reyimpi"

Jichhajj, Dios Tatäy, bendicimay Arunakäma kunjjamti jichha alwatajj mistunkäni, ukatsti chuymanakasan samarañ utap jikjjatpan, kunanakti mayipktan ukanak apaniñataki, Tatäy, Jesucriston sutipjjaruw mayisipjjsma. Amen. Yuspagara kullaka. Nayajj amuytwa ukajj satanwa, "Dios Awkin utapar sarañäni, sirinakampejj walpun kusista"

4 Wasurujj mistunisina ukxa Hot Spring markatjja, jilata Moore saskanwa, jilata Branham, jupajj sänwa, Jumajj—¿Janiti nayampi sarkäta ukxa Texas markaru, kunati apaskäni mä convención ukawjjana, saskakinwa, ukat samart'añataki ukawjjana mä pä urunaka? Ukat nayajj sayäta, qharur alwatajj utjaniwa pä servicios ukawjjana. Ukat jupajj säna, ¿pä servicios? Nayajj sayatwa "jisa" Ukat jupajj säna, ukataq ch'amampirakis jumajj parltajja akawjjanjja, ukatjj saskakinwa, mä chachajj ukjjam parlasajj samarañapaw niya mä semanjjama. Saskakinwa, mä pastor Domingo alwajj mensajep churani ukat yaqhanakampi, sänwa, ukatjj jupajj samarañapaw mä semana, ukjjarusti—ukatsti inas mä kimsa tunka juk'a pachanaka inas juk'ampi. Ukat jupajj säna, jilata Branham jumajj akawjjanjjj parlawaytaw niya pä orasanaka o inas kimsa orasanaka sapa kuti, ukatjj sapa urunakaraki, oraspachanakajj inas pä kutiw parlawaytajj mä urunjja, ukjjarusti janiw ukakikiti jan ukajj usutanakatakiw mayisktajj, ukjjarusti qhanañchaskaraktaw kunati utjki chuymanakapäna. Jupajj saskakinwa, jichhajj jumajj utamaruw sarjjatajj, ¿ukat sistajj Domingo alwatajj pä servicios lurajj sasina? Ukat nayajj sayäta, jisa täta. Ukat jupajj säna, ¿kunjjamaraki ukanaksti jumajj lurtajja? Ukat nayajj sayäta, "Yanapiwijjajj jutiwa Dios toqita" ¿amuyapjtati? Jichhajj sinti jayp'ujjiwa, kunjjamati maynijj—kunjjamatijj maynijj ninkharjjajj saskäna mayisitapana, kunapachatati nayajj mantasinkayäta aksa toqiru. Pachanakajj sinti jayp'ujjatäpa, ukat uka yanapawijj wali jach'awa, ukat jiwasaajj akanktanwa lurawinakas phoqhañatak ch'amachasiñasataki, jikjjatastanwa aka jach'a orasan yanapt'añataki.

5 Jichhajj, sitejj ukjjam munani Dios Tatäjj, jichha jayp'u arumajj muniristwa parlaña mä mensaje; ¿Juman jakäwimajj askipachatati Evangelio ukatakijja? Ukatjj uka mensaje grabañ munta nayajj.

Jichhajj, nayajj janiw yaktti sitejj aka mensaje grabata ukjjamachini inas janis jichha alwatajj. Nayajj uñjjtwa mayninakaru ukxa grabañ toqina. Utjiwa—utjiwa mayni jilatanakajj ukxa manqhana, amuytwa jupanakajj grabapjjaniwa. Nayajj janiw...nayajj amuyayätwa jilata Neville ukanakjj lurpachäni, pasir Domingojj ukjjam nayajj sayäta juparujj, jupajj mensaje ukampi nayrar sartañapataki, ukjjarusti nayajj sañajjataki kunanaksa jupat uksarujj, ukampis sitejj jupanakajj grabañ munapjjichi uka escuela dominical yatiquañjja, walikiskarakäwa ukanakajj.

6 Ukjjarusti, sitejj Dios Awkijj ukjjam munanijj, jutiri Domingojj, ukajj ukjjamanijj, sitejj Dios Tatäjj ukjjam munani ukatjj akawjjjankañäni ukhajja, nayajj parlañ muniristwa uka mensaje kunati walpun walja pachanakaw parlañ munayäta, ukat nayraqat parlañataki aksa Tabernáculo manqhan uka mensajes, uka mensajes grabañataki. Nayajj aka jaqinakarujj Jesucristor ch'akkatapjjjatapat juchañchañ munta; jutir Domingo alwata, sitejj ukjjam munani Dios Awkijj. Jichhajj aka jayp'u arumajj, kunapachakanitejj 7:00 o inas 7:30 ukajj—ukajj uka mensaje, ¿Juman Jakäwimajj Askipachatati Evangelio Ukatakijja?

7 Jichhajj yakha pachanakajj, kunapachatati akjjam parlaskta mä mensaje, oraspachanakajj inas nayajj chuym ust'ayapsma, nayajj janiw aka iglesiarukit ukjjam sista, o yakhanaksa. Amtapjjam kunapachatati nayajj parlaskta ukhajja, ukajj parlatajjajj sariw taqpach aka oraqiru. ¿Amuyapjasmati? Ukat mä cinta ukaw uskt'ataraki aka oraqpachäna; ukat jupanakajj apapjjiw aka mensaje ukxa ch'umi mankhanakäru kawkha toqirus. Ukat Qollan Ajayujj oraspachanakajj irpituw parlañataki inas khitis utjchispa kunti Jupajj munki inas ukxa Autralia markakama o inas yakha toqinakäna ukat yakhanakampi. Inas jumajj yaqhip pachanakanjj sarakisma, walikiw jichhajj, uka yaqhipanakajj janiw utjkaspati akawjjanjja, ¿kunats Jupajj

ukjjam sispacha? Inas yaqhanakatakispaw kawka cheqanakanjja. ħamuyapjtati jumanakajja? Ukhamajj nayajj amuytwa jumanakajj amuyapjjatāwa ukanakajja. Aka mensajes janiw khitirus jan walt'ayañatakikiti... jan ukasti taqe akanakajj taqpach iglesiatakiwa; ukat sañataki kuntī Dios Awkijj irpistu arsuñataki ukat lurañataki.

8 Nayanj utjawayituw mā qawqha jach'a pachanaka uksa Hot Spring markāna, mā Pentecostal iglesiana lurasina nayra pachanakkjama. Nayajj amuytwa waljanirakiw jumanakatjja yatipjjta uksa toqinjja Pentecostal jaqikamakiw, khitinakati jumanakat sarawayapjjta. Ukhamajj jichhajj...nayajj janiw uñtkayāti uka tamaru, nayajj inas sarañajjanwa uksa toqirujj mā semana, nayajj ukankayatwa niya pä uru o kimsa urunaka. Ukampis nayajj sañ muntwa mā aru. Uka tantachawinjja, jupanakanjj utjanwa iyawsaña ukat iwaysañataki, sitejj jumanak taypitjja ukankchinjja, ukat nayajj yatwa uka mamajj akankiwa, qont'ata uksa thiyāna, nayajj janiw yatkti khitis jupajj. Khititi akawjjanki, nayajj yatiyatwa jupajj ukawjjankatapa. Yatirakiyatwa pä jilatanakaw ukawjjankaskarakāna, jilata Jackson yakhanakampi ukat jilata Palmer.

9 Ukat ukaw jaqinakajj katoqapjji kunapachati jupanakanjj utjijj iyawsañajj. ħamuyapjasmati? ħamuyapjjtati kunapachati siqesipki qollasiñataki? Janiw khitis mistupkānti ni mantanipkānsa, kunapachkamati Dios Akijj jupar qollāna. ħamuyapjtati? ħamuyapjtati? Ukhamajj kunapachati jumanakanjj utjijj iyawsañajj...ukat yakhanakampijj, inas jumanakat yaqhepajj utjchispa, Inas uk jan amuyapkchiti, yaqhepanakajj thoqopjjiw, mayninakajj arnaqasipjjiw. Walikiw, jupanakajj—jupanakajj—jupanakajj janiw uñch'ukipkiti khiti jaqinakarus, jan ukajj jupanakajj arnaqasipjjiw Dios nayraqatāna. ħamuyapjtati? Taqe ukanakajj walikiskiw. Ukampis nayajj sañ muntwa ukajj mayniw—mayniw uka tama warminakat juk'amp q'oma uñjta, ñik'utanakapas wali jach'anaka, ukat...Ukat uka jaqinaka uksa ch'umi manqhanakāta, uksa manqhanakāta, ukampis nayajj janiw khitirus ukjjam moderno uñnaqt'an uñjkti, jumanakajj amuyapjjtaw kuns sañ munta ukampijj, taqe kast pinturas ajanunakapāna, ukampijj uñacht'ayasiw khitis jupajj. Inas nayajj jupanakamp jan chikachaskti taqe kunanakti yatichapki, ukampis ukanakajj walikkhamakiskiw. Jupanakajj uñnaqapjjiw aski Cristianunakjjama nayatakijj.

10 Ukhamajj Dios Awkijj irpituwa parlañajjataki mā mensaje, wasuru o waluru, mā chika uru, “Mā kutimp Tatäy” Ukat iglesianjja, yaqhepanakajj janiw yatipkānti, mā amtampiw nayajj uk lurawayta, kunalaykutejj Dios Awkiw ukjjam lurañatakijj irpawayitu. Uka jisk'a tamajj yaqha toqiruw mayjt'ayaskāna; ukat Dios Awkijj yanapt'awayitu uk—uk lurañataki. Ukhamajj ukajj sinti askipuninwa, nayajj cheqpachansa... Jumanakajj yatipjjtaw ukjjamaw oras pachajj sarijj, sitejj jumanakanjj jan utjkani uka Ajay nayrajj, jumanakajj janiw uñjapkatāti, ħamuyapjtati? Ukanak jumanakajj sum suyt'apjjañamajj.

11 Nayajj jutasinjja, aka jilata Ungren, akajj niya pä kutjjamaw q'ochuntir ist'awayta juparujj, kunapachati mantasinkayāta uksa uta manqharujj, jupajj q'ochuskānw sasina, “Nayajj sarastwa ukatjj parlasiskaratwa Rey ukampi” Nayajj lup'iyatwa, ħjaniti ukajj suma q'ochuki? ħKunjjamas Reyejj kunapachas? ħamuyapjtati? Sarasina ukat parlasina, ukajj sapūru amigoñan sañ muni. Janiw aka iglesia manqhanakti, jan ukasti taqe toqinakāna, sarnaqaña parlasina uka Reyempi.

12 Uksa—perqa toqinjja, uksa perqa toqinjja mā jisk'a tarjetaw warkt'ataskāna, mā jaqiw sutipajj Jorge Todd, jupajj nayaruw mā pintura ukjjam lurt'itāna—lurt'itāna. Nayajj janirakiw yatti kunats uka jaqijj ukjjam lurpachāna, inas jupajj janiw amuyaskpachānti, ukampis jupajj pintawayiw. Ukajj mā pintura mā qollu toqina, uksa ch'umi toqina, ukat—ukat mā jisk'a jawirjjamanwa uka jisk'a jawirajj luranwa olas kunapachati jalaskāna. ukatsti jawir khurkatansti, mā tayka ciervo ukat jisk'a wawapampiw ukawjjan sayt'atäsičkāna, jinchunakapas sayt'atkama, unch'ukisipkānw uksa jawir khurkat toqiru. Janiw yatkti inas akankaskchi tata Todd, nayajj janiw juparujj uñt'awayti. Ukampis akanakwa arst'awayañ munta, Dios Awkijj parlawayituw kunapachati uñkatkayāta uka foto pintura. Ukat inas uka jaqijj janiw yatpachānti, kunapachati jupajj pintaskāna uka foto. ħAmtapjjtati mā jaqita kunapachati yasiskayasma jupajj jiwayañ munana mā ciervo fusilapampi? Ukjjamanwa, uka tayka ciervojj jisk'a wawapampiskānw, uksa uma jawir toqina, ħamuyapjasmati? Mā uñacht'awi, kunjjamsa uka tayka ciervojj jisk'a wawapampi ukawjjankasipkāna. Nayajj amuyayatwa, “Jisa, uksa khurkatanjja, kawkhankiti uka suma ch'ojjña qoqanakajj, nayajj ukawjjanj utjituwa mā—mā tayka mā jisk'a imill wawampi khitinakati nayar suyasipkitu”

Yuspagara jilata—jilata Jorge Todd, jupajj inas akankaschi jichha alwatajj.

13 Jichhajj qalltjjawa uka escuela dominical ukampi. Oraspachajj inas wali jayanakwa parlawayirista ukjjanakata. Chuymajjanjj yakha kastapunitwa, wasur urutpacha janiw yatkti kunats ukjjamapacha... Jichhajj, sitejj Dios Awkijj...ukajj mā—ukajj mā mensaje. Nayajj niyaw awkiptaskta, nayajj—nayajj janirakiw yatiskti kunapachkamay akawjjankawaychi. Ukampis mā jiskt'awiw utji aka iglesianjja, Ukajj chachanakaruw jan walt'ayi ukat mayj mayj amuyunakanipjjewa. Ukajj uñtasitaw kunapachati maynijj manq'asiski mā manzana, ukanakatjja nayajj parlawayapskmawa, ukatjj nayajj amuytwa cheqpachapunitāpa, taqe ukanakatjja qellqatanakampiw uñacht'ayapjjirisma, janiw manzana ukakānti, ħamuyapjtati? Waljanuw ukanakampijj pantasiwayapjjijj.

14 Ukhamajj janir mistuwaykasajj—jiwasajj kutt'aniñasaw wastatampi, akat kimsa tunk urunakata,

jumanakajj niya yatjjaptaw, kutt'anisina uksa Arizona markaru. Ukhamajj...janir nayajj sarjjasajj, ukjjamtijj Dios Awkijj munani, uñjatawayañ munirista qellqatanaka, jan grabapkamti, sitejj grabatkäta ukhajja. Jan aljjapkamti uka cintanaka—jan antutapkamti ukanaka. Nayajj jaqichasiñampi ukat jaljjtañampi cheqpach cheqaw sañ munta. Taqe akanakajj mä jiskt'awiwa, akajj qhep qhep orasanakaw, “Dios Awkin imantata amtatanakapajj phokhasjaniwa” Wasurujj, jutasin uksa qollu toqjja niya qhantatkan ukhajja, Qollan Ajayjjamaw parljjayitana, “Graban ukanaka ukatjj imjjataw” Nayajj janiw yatkti kunatachiya, ukampis uka cheqpach jaqechasiñawita ukat jaljjtañata...mayninakajj sapjjiwa, jaqinakajj jaqechasipjjaspaw jupanakati wachuq jucha lurapjjatap mä juramento lurapjjaspa ukhajja, mayninakajj sapjjarakiw, walikiskiwa, ukampis sitejj jupanakajj wal chhajjwapjjaspa ukhajja, ukat—ukat jan sum qamapkaspa ukhajja, walis paw jaljjtaña sum askin qamasiñataki, jan jakañataki mä infierno ukanjjama aka oraquina, ukat taqe kast amuyunakampi jiskt'anakampi, ukat yaqhepanakajj ukjjampach jaqechasisipkakiw. Yaqhepanakajj ch'allt'añ munapjji jupanakaruuj uka kollan umampi, jupanakar kutt'ayasajj ukat sapjjijj janipuniw jaqechatäpkti sasina, ukatjj bendicipjjiwa ukatsti iglesiaruw kutt'ayanipjji. Taqe kast jan walt'awinakaw utji, ukampis ukjjam jan walt'awinakajj utjchi ukhajja, mä cheqaw kawkhans utji.

Nayajj iyawstwa, ukat arsta taqe akanakajja wali llamp'u chuymampi, nayajj iyawstwa, Jesucristow nayarogg ukanak yatiyitu, ukat nayajj—cheqansti, ukat taqe akanaksti ist'apjjaspa iglesianakajj, ch'uswa tukjjawayaspajj taqe ukanakajja, ukajj inas ukjjamächispa. Ukampis ukajj...Nayatakijj pastores ukanakarukiw uñjañap munta, pastoranakaki uka iglesianakan katoqapjjaspa uka cintas, ukat jupanakajj ist'apjjaspa, ukat ist'asajj jupanakajj irpapjjaspa nayraqataru. Ukampis nayajj ukakiw grabañ munta, ukat uñacht'ayañataki cheqpach cheqapätap ukanakajj.

Nayajj amuytwa aka pachajj uka imantatanakajj tukuyatäñapawa phokhata. Taqe akanakajj janiw sum qhanañchatakanti uksa edades toqinakäna, kunjjamatä arsuskayäta uksa cintas toqinakana, kunjjamatä saskayätan kunapachatä parlaskayätan Paqallqo Sellonakata, uka Paqallqo Edades Iglesianakäta.

15 Jichhajj Paqallqu Trompetanak phust'añ pacharuw puriñäni, ukjjarusti Copas ukanakata. Ukat inas pä semana tantachasiñajj utjchispa ukat paypachaniruw mayacht'araksna. Ukasti muniristwa grabasiñapa ukanaka, ukjjarusti yakhanakat sipansa, nayajj cheqanchañatakiw wakt'ayasikta jichhajj, ukat lurañataki libronaka, uka Iglesian Edades toqita, paqallqo libronaka Iglesian Edades toqita, paqallqo cintanaka, ukat ukjjam lurañataki. Jiwasajj wali iraqatak ukhamarjjamaw luraraksna, ukjjamat taqinin utjarakispa. Ukhamajj Jesucristuti janir jutkani ukhajja, ukat nayajj sarjjarakijja, jumanakajj uñjapjjätawa kuntijj nayajj Criston sutipjjaru sisktjja, Kunjjamti sisktan ukhamarjjamaw phokhasiñapa. Janipuniw jichhurkamajj kunas pantasiwaykiti, taqe ukanakajj phokhasiñapaw ukjjaruuj.

16 Ukat nayajj—nayajj iyawstwa Dios Awkijj janq'akiw lurayistäni taqe ukanaka. Jiwasajj jaqinakaruuj pachaparuw yatiyañäni, kunalaykutijj waljaniw ukanak ist'ir jutañ munapjji, ukat nayajj—ukat nayajj walpun ukanak munta.

17 Janiti khitis iyawskaspa ni ist'kaspa ukjja, ¿Kunansa nayarujj yanapt'itaspa sayt'asisina akawjjana ukat uka toqitjja kuns arsuñasa? ¿amuyapjasmati? Uma patjjar t'ant'a warantañamp sasispawa, ¿amuyapjtati? Ukajj inas...sitejj ni maynis iyawskaspati, ukatsti ukajj khuchhinak nayraqatan perlanak jaqontañjamas pawa, ukampis waranq waranq jaqinakaw ukanak iyawsapjji. ¿amuyapjasmati? Ukat jupanakajj uka Arunakatwa katuntasipjji, ukat ukjjam waljani utjañap munapjjtan, kunapachatä jiwasanakanajj, kunapachatä jiwasanakajj wakicht'atäjjtan utjañapataki uka servicios, Dios Awkin gloriapataki. Ukat jiwasanakajj iyawstanwa Dios Awkijj churistanäni. Ukat nayajj janiw ukjjam utjañap munkti, kunapachkamati Dios toqit jutki ukjjam lurañataki. Dios Awkinj utjiwa pachanakapajj. ¿amuyapjasmati? Jumajj janiw nayrkasmati ukanakatjja, jumatiij trigo jik'sutajj janir—jumatiij apsuñ munäta janir poqotaki ukhajja, jumajj chhakhayataw walja trigo, ¿amuyapjtati? Ukhamajj kunapachatä uka hoz ukst'atajji janqaki waysuñatakijj. Dios Awkiw uk lurani, ukat apthapinanäni.

18 Ukampis nayakiwa—nayajj mayjja ch'amañcht'atäkaspas ukjjamwa amuyasta, mä juk'a pachatjj jaytjawayjjitaniwa sasaw amuyayäta. Wasurujj jurnalpacha, janiw amuyujjat apsuñjjamakanti, wasur jayp'u arumat paqarma. Niya tunka payäni orasaruw ikiñar mantasiwaykta, ikt'atatwa niya kimsa orasaki wasur arumajj. Janipuniw ikt'añjjamakanti, kunas maynjjamaw sitäna, “Graban uka, jaqechasiñata ukat jaljjtañampita” ¿Amuyapjasmati? Sitejj Dios Awkijj ukjjam munanijj, sitejj ukajj chuymajjan utjaskakispa ukhajja ukat Cristotijj uka toqit juk'amp uñacht'ayitani walikiw, ukhamajj nayajj—nayajj—nayajj grabañaruw uskt'asi ukanaka. ¿uñjapjasmati? Ukampis amtasipjjam, akajj ministros ukanakatakiw. Jumanakajj jutapjjam, ukampis ukatjj ist'apjjakim, ukampis uka pachpa cinta kunakitejj...¿amuyapjtati? Kunalaykutejj akajj sariwa uksa congregaciones toqinakaru, yaqhepanakatakijj ukjjam sarijj, mayninakatakijj yakha kastarak sarijj, jupanakajj jupanakan amuyuparjjamaw lup'ipjjijj. Ukat nayajj muntwa ministros jupanakan utjaspa pachpa estudios utap manqhana, ukat nayraqatarujj jupanak yatipjjpam kuns luraña, kunalaykutejj jupanakaw kuns lurapjjaspajj, jupanakaw yatipjjijj.

19 Nayajj uka juez chachampi parlt'ir saraqirista, uka yaqhep juezes ukanaka, jichhajj uñjañaniwa kunjjamsa Jesuctistojj sawayijj aka “Jaqechasiñat ukat jaljjtañat”, Jaqinakan amuyatapap sipansa juk'amp

qollanawa. Ukat akajj katarin jathapamp chikapuniwa, Ukajj cheqpachapuniw pachpaki, ukajj juk'ampiruw saraskijj, ukat ukanakajj wali muspharkañaw. Amtapjjam jumanakajj, Paqallqo Angelan urunakapanjja, Dios Awkin taqe imantat yatiñanakapajj tukt'atajjañapaw, uka jan uñt'at yānak Jesucristojj tukuyañapāna.

20 Jichhajj jichhakamajj...Jichhajj, amtapjjam...¿Tantachāwijj paqallqo kimsa tunka pacharut qalltasi? (Jilata Neville siwa, jisa. Qillqiri) Jichhajj jilata Neville, sitejj juman ukjaspa mā mensaje aka jayp'u arumatakijj, arst'askakim. ¿amuyapjtati? Janiw tāta. Janiw mā horas parlcati, o inas pusi tunk phisqhan minutos ukakichini. Ukat taqe ukanakajj grabasiniwa.

Nayajj muniristwa ist'aña jilata Neville juparu, nayajj walwa jupar munasta, jupajj nayan jilatajjawa, ukat nayajj—nayajj amuyta jupajj mā aski parliriwa, mā suma ministro. Ukat nayajj...jilata Neville jupajj mā aski arunakakiw ukajj akaw, kunapachatī jupajj kuns siski ukhajj, kuntī parlki ukj jakywa. Jichhajj, ukajj —ukaw nayrīr amtāwijj. Jumanakajj yatipjttawa mā mensaje masimatak jakam, janir mā mensaje parlkasa. Kunalaykutejj jumanakajj qillqat cartanakāpjjtawā, taqe jaqinakan uñjkata.

21 Jichhajj janir jiwās nayraqatajj...Jiwasajj uka laphinak jist'arañani, ukampis Dios Awkiw jist'arañapawa aka escuela dominical yatichāwip. Ukhamajj Jupar ukjjam lurañapatak mayiñāni. Alajjpachankir Awki, nanakajj—nanakajj iyawsañ toqiw uñtapjjta nayraqataru, Jichhajj nayajj iyawsāwimpiw kuna jutañarus uñch'ukiskta, Tatāy, aka oraqiru, ukajj markamaruw tantacht'ani mayaki, kunapachatī nanakajj uñtapjjta uka denominacional iglesianakaru, ukjjam ayñacht'ata mayj mayja tukuta, Cheqpachansa jaqinakarujj anqajjaruw jaqsusinki. Kunjjamtī Egipto markan lurasina ukjjamaraki, mā Faraon chachaw sayt'asina, uka Faraon chachajj janiw uñtkānti Jose chacharujj, kunjjamakantī Alemania markampi, ukat—ukat Rusia markampi ukat Italia markampi. Jaqinakajj waytasipjjanwa walja Jose chachanakaru, Hither, Stalin, Mussoline, jupanakajj uñisipjjanwa Judios jaqinakarujj. Judíos ukanakajj kutt'añapapjjanwa markaparu, Oh Dios Tāta, Jumajj kunayman lurañanitawa, inas nanakajj janiw amuyapti, ukatsti Jumajj jupanakarujj wal limthaptajj. Jupanakajj jan utani ukxa Alemania markanjja, taqe kunaw jupanakatjj aparatāna, ukjjamaraki ukxa Italia, Rusia, jan kawkirus sarañataki, ukatsti jupanakajj khitatapjjanwa markapar kutt'apjjañapataki, uka aru phoqhañataki. Oh, uka munasir Dios Awkin amparapa, kunjjamsa awisajj jan sintt'asir'kaspas ukjjama, kunjjamsa jaqinakajj t'aqhisipjji, ukampis ukjjamakipansa, Ukasti Dios Awkin munat amparapasti, irpasina uka jisk'a wawanakaparu, Tatāy ukatapi wal yuspagarapsmajj.

22 Dios ukatapi nayajj masiymajj, Kunjjamtī nayajj uñjkta jichhurujj kunapachatī denominacionajj iyawsirinakarujj limthapiski, jaqsunitapjjiw jupanakajj, ukat jupanakarujj sasina, sutimajj aka libronkañapaw, jan ukjjamakāni ukhajja chhakhatapjjtawā jumanakajj, mayni tamanakampijj janiwa kuna lurañas utjkiti sasina. Ukasti Dios Awkin munat amparapasti, irpaskiwa jupanarujj ukxa Jakañ Qoqaru. Ukat nayajj mayisma Tatāy, sapa maynitaki, nayajj iyawstwa jupanakajj irpatapjjaniwa, kunalaykutejj Arunakamaw, ukajj janipuniw pantaskaspati. Ukatsti uka Jakañ Qoqaru irpapjjita, ukjjamat Wiñay Jakañ utjañasataki; ukjjamaraki Dios Awkin amparap uñjañataki, uka iyawsañ nayranakampi, ukat Jichhūrunakan sarnaqapktan uka ch'iwinakat sipansa juk'ampi uñjañataki, ukat mā juk'a nayrar sartkasajj uka arsut oraq uñjañataki. Bendicimaya uka Arunakam jichha alwatajj, Tatāy, aka mā qawqha qillqatanaka utjkitu akawjjana. Uka Qollan Ajayujj jutpan jichhajj, nayajj lajjrajj circuncisión ukaruw katuyasta, ukjjamaraki amuyujjsa, lup'iwijjsa. Ukjjamaraki iglesiajj jinchunakapas amuyañataki, ukjjamaraki chuymanaksa, taqe jiwasanakajj mā sapaki, ukjjamat Jumajj parljjayapjjitasma Arunakam toqe, kunalaykutejj Arunakamajj cheqapuniwa. Uka Arun sutipjjaru, Jesucristo toqe mayisipsjjma. Amén.

23 Jichhajj, Biblianakam jist'arapjjam libro Exodus, ukat jichhajj, muniristwa uñjataña mā qillqata, Exodus 3:jalja maya t'aqata 1-12 sum ist'apjjāta kunapachatī uñjatkañāni ukajj. Exodus 3: jalja, maya 1-12 t'aqata. Moises profetajja Jetro sat awcch'ipan iwijjanakapa awatīna, uka awcch'ipasti Madian sat cheqanjja sacerdotēnwā. Ukampis mā urujja iwijjanakwa wali jayaru wasaranjjama anakīna, Horeb sat Diuos Awkin qolluparu puriñkama. 2 Ukawjjansti Jesucriston angelapaw uñstāna mā ninjjama zarsa sat ch'aphi alinak taypina. Ukampis Moises uñjanwa ch'aphinakan nina aqaskiri, ch'aphisti janiw nakhantkanti. 3 Ukatsti Moises sänwa, Kunarakipacha wali mayjjarakisä, ¿kunatsa ch'aphinakajj jan nakhantpacha? Uñjanipunī sasa. 4 Dios Awkisti Moises jutir uñjasinjja (Uk sum qhanañchañ munta). Jesucristosti Moises jutir uñjasinjja zarsa sat ch'aphinak taypitwa jawsāna, Moises, Moises, sasa ukatsti Moises, akäsktwa nayajja sasaw sarakīna. 5 Ukat Cristojj sāna, Jan jaq'achanimti, wiskhuma kayumat apsusim kawkhantatejj uka oraqijja qollanawa. 6 Nayätwa nayra awkinakaman Dios Awkipajj, Abraham, Isaac, Jacob ukanakan Dios Awkipajj. Ukatsti Moises ajanupwa imantasina, jupasti Dios Awkiruw uñkatanjja wali ajjsarayasinā uka layku. 7 Ukat Dios Awkisti sarakīnwā, Nayajja sumwa uñjta, kunjjamtejj markajjajja, Egipto markan t'akhesipki ukjja. Ukjjamarak uka wali munañani jaqinak kausa arnaqasipjjatanakapsa ist'araktwa, ukampis Nayajj sum yatta jupanakan t'akhesitanakapjja. 8 Ukatwa Nayajj jutta Egipcionakana amparapata markajjar qhespiyasa mā jach'a suma oraqiru apjjañataki, kawkhantejj lechesa, misq'isa umjjam jalaski ukaru. Uka oraqinakansti Cananeonaca, Hititanaca, Amorreonaca, Ferezeonaca, Heveonaca, Jebuseonaca, ukanakaw jakapjji. 9 Jichhasti, Israelitanacan arnaqasipjjatanakapsti Nayajj ist'twa. Ukjjamarak uñjaraktwa Egipcionakajj kunjjämtejj t'aqhesiyapki ukanaksa. Uka layku jumajj sarjjarum, Nayasti Faraonan...

24 ¿Amuyapjtati? Nayaw saraqanta, ukampis Nayajj jumaruw khitāma, Dios Awkijj saraskānwa mā jaqi toqe. “Saram” Jichhajj sartaskakināni 10 t'āqa wastatampi. Uka layku jumajj sarjjarum, Nayasti Faraonan ukaruw khitāma Israel markajja, Egiptot apsuniñamataki. 11- Ukatsti Moises Dios Awkirujj sänwa, ¿khititsa nayajja, Faraonan ukaru sarasina Egipto markat Israelitanakaru apsuniñatakijja? 12 Ukampis Dios Awkijj sarakinwa, Saram, Nayawa jumampiskajja, akaniwa mā uñanchajja Naya pachpa jumaru khithatajjata, perdonapjjita jumanakajj markajjaru Egiptota apsunisasti jutapjjätawa aka qolluro, ukanwa jumanakajj Nayaru yupaychapjjetäta.

Jan nayrajj uk amuyasajja, Ukampis jichha alwajj Ajayun wali ch'amañcht'ataw jikjjatasiyäta, nayajj ukwa katjjawayta anchhitajj. Dios Awkijj profetapar wastat kutt'ayasa, kawkhattejj jupajj jaltankäna, Jupajj mā qollun mā seña churana. Jichhakamajj janipuniw uk amuykayätti, ukajj jumatakejj mā Wiñay seña ukjjamaniwa. ¿Amuyapjtati?

25 Jichhajj, jiwasaajj aka alwatajj parlañaniwa mā mensaje ukajj, “Dios Awkin markapan payir saräwipa” Jan ukajj “Dios Awkin markapan jawsatapa” “Exodo” sañ muniwa, “apsunita” jawsata, ukat apaña, ukat ukwa mā mensaje ukjjam apnaqañ munta, Dios Awkin markapa payir mistjjaña. Ukatsti jupanakanjj utjanwa waljja mistuwinaka, ukajj ukjjamapuninwa, ukampis parlasktwa kunapachatī Dios Awkijj jawsana mistunipjjajañapataki, uka pachana jupanakar jithijjtayañataki kawkhantī jakapkäna.

26 Akawjjana Dios Awkijj wakt'ayasiskānwa phokhañataki Arsutapa kunatī Abraham chachar churkāna, Isaac ukjjamaraki Jacob. Walt'at maranakaw, patak patak maranakaw saraqawayjjatayna, ukampis Dios Awkijj janipuniw armaskānti arsutapjja. Uka pachanakana, phoqhañ pachanjja, Dios Awkijj arsutap sum phoqapuni. Ukampis, jumanakajj yatipjjajañamaw kuntī Dios Awkijj aka Biblian arsuwayki ukjja, Jupajj lurapuniniwa ukanakjja. Janiw yaqhanak amuyt'añatak ch'amachasiñajj wakiskiti, ukat sañataki, walikiw, uka profetajj inas pantatachīna o inas ukanakajj janiw luraskanti uka urunakanjja. Uka pachanakanjja niyas jan lurañjjamākaspas ukjjamānwa, ukampis Dios Awkijj luranwa taqe ukanakjja, kunalaykutejj Jupajj arsuwayānwa ukanak phokhañatakijj. Ukat kunjjamsa Jupajj jan ch'amāki uk lurijj. Nayajj saraqaniwaytwa, ist'araktwa arnaqawinakapa, amtasiraktwa nayan arsutajja, Nayaw saraqanta lurañataki. Ukat nayarakiw jumar khitāma sasīna, jumajj luraskakim. Nayajj jumamp chikt'ataw sarä, cheqpachansa jumampiskāwa. Nayajj janipiniw, janipuniw antukkamāti, Nayajj jumamp chikt'ayāwa kawkharutī jumajj sarkāta. Jan ajjsaramti. ¿Amuyapjtati? Nayaw saraqanta jumanakar khespiyañatakī. Nayajj amuytwa ajay toqin amuyunakajj katjjiwa ukanakjja, ¿amuyapjtati? ¿amuyapjtati? Nayaw—nayaw —nayaw khitāma jumaru markajjar mā mistuñar irpañataki, jupanakar anqajjar jawsañataki, ukat Nayaw jumampiskä.

27 Jichhajj, kunjjamsa—kunjjamsa jiwasanakajj samarsnajj, kunjjams iyawsäwijj ukan katjjaspa ukat katjaruspa, Dios Tatäjj lurapuniniwa ukjja, kunalaykutejj ukjjam Jupajj arsuwayijj. Kunjjamachinī ukajj, kuna jan walt'awinakas utjchispa, o inas kunjjams maynijj saspajj, Dios Awkijj kunjjamatsa uk lurapuniniw, kunalaykutejj ukjjam Jupajj arsuwayijj. Ukat Jupajj wali jasak lurawayijj ukanakjja, ukat—ukat ukajj yatjjatat amuyun amuyt'awipat wali jayaruw jayarst'awayi, ¿Khitis uka toqit amuyt'asiñ yant'aspa? ¿kunjjamaspa ukanakajja? Janiw nayajj ukjjam sañ munkti jichhajj mā chachajj, suma ch'aman amuyumpi, ukat mā suma yatichäwimpi, ukjjamatap uka chachajj janipuniw amuykaniti. Taqe ukanakajj ukjjamapuniwa muspharkaña, ukanak uka chachajj apnaqäspa jan amuyt'añataki, ukampis uka cultura jupanjj utjki, ukat iyawsaraki Dios toqiru. Arsutapar phokharakispa llamp'u chuymampi ukat ist'añatakis kuntī Dios Awkijj sawayki, ukat iyawsarakispa. Ukapachajj kulturapajj yanapt'äniwa juparujj.

Amuyapjjam jichhajj, Kunapachatī mā jaqijj amuyt'añ yant'ki ukhajja, ukajj janiw ukjjam luraskaspati, taqe ukanakajj Dios Awkit jayarst'ayiwä sapa kuti. Kunapachatijj jupajj ch'amanchasiski ist'añataki uka—uka jupan pachpa amuyuparujj kuntijj saspa. ¿amuyapjtati? Sitejj jumanakajj jan amuyapkäta ukhajja, ukat Bibliajj saraki yakha kasta, ukjjam uñakipt'añamawa, “Amen” Ukjjamak jaytawayjjam.

28 Jichhajj, uka qellqatanakat parlañat sipansa, jumanakajj aka escuela dominical yatichäwinjj qillqaqt'asipjjasmaw, ukampis nayajj luriristwa...Inas jumanakajj uñjatañ munapjjasma...ukampis nayraqatajj, waljanakaw utjitu akawjjanjja. Ukhamajj jichhajj...Janir uk amuykasajj kuns sañs muni uka mistuwijj, nayajj jichhür éxodo uñacht'ayañ munta, ukjjarusti uka qallta éxodo, nayraqatajj jichhür éxodo, ukat uñjañani kunjjamas chiqakipun uka paninijj sarasipki. Mayni jupanakatjj janchinjjamaw, uka pachpakiw janchinjj lurasawayijj, Jupajj wasitat uñacht'ayaskijj, kunatī luraskäna ajay toqina, “Ajay toqin Mistuñä”.

29 Kunjja sumas Dios Awkir uñjañajj Arup toqe—¿Kunjjamarak khitis saspasti ukajj janiw ukjjamakiti? Ukajj niya pä waranqa llätunk patak maranakaw ukjjamäna, jumanakajj yatipjjtaw ukanakjja. Kunjjams Jupajj ukjjam arsuwayi, ukat kunjjams Jupajj lurawayijj, ukat jaytawayijj mā uñanchawi. Kunjjams Jupajj—jupajj—jupajj kunjjams mā ch'iwjjama luraraki askinak uñacht'ayañataki. Ukjjatwa nayajj parlawayä jichha jayp'u arumajj, phajjsimpi ukat intimpi, sitejj ukjjam munani Cristojj.

Ukampis nayraqatajj, uñjañasaw Genesis kunats jupanakajj Egipto markankapjjäna. ¿kunatarakī Dios Awkin markapasti wali jayankpachäna oraqipata? Taqe ukanakatsti, Dios Awkijj arsuwayānwa ukanakjja,

khaya qalltatpacha, uksa Palestina markana, Abraham, Isaac, ukjjamarak Jacob. Dios Awkijj jupanakaruw churana uka oraqi ukat säna, "Akawa" Ukhamajj, ¿Kunatarakī markapasti kunti Dios Awkijj churkāna uka cheqan jan jikkjatasipkansti? Ukajj mā jiskt'awiwi jichhuruuj, Dios Awkijj churawayistuw mā Pentecostes. Jupajj churawayistuw mā Libro Hechos toqita, Jupajj churawayistuw uka Qollan Ajayu, jiwasanakar irpañataki ukatjj jiwasampiñapataki. Jupajj churistuw uka oraqi, Ukat ¿kunatsa anqanktanja? ¿kunatsa iglesiajj anqajjankijja? ¿Kunatsa jichhūrunakan jach'a cristian iglesiajj Hechos libror uñtasit wasitat jan jakapki, lurasin kunjjamti jupanakajj lurapkāna? Ukajj kunatsa ukjjam luraspacha.

30 Taqiniw yatiraktanjja jiwasanakajj t'aqanukutatānwa, ukat jan waliw uñjasiraktanwa, ukat juk'amp ajjsarkañ ukanakasti, kawkhanti uka—uka cristianismojj nayraj jakkāna ukajj jichhūrunakaw. Ukat ukawjjansti uka...

Mā ajjsarkañ jach'a taripāwiw jaq'achasisinki, ukajj wakt'ayatawa iglesiataki. Ukat janira jutkipan uka taripaw urujj, Dios Awkijj jawsaskiw mā mistuwiru mā éxodo, kunjjamati Jupajj lurkāna khaya urunakanja. Amorreo jaqinakan juchanakapajj walpun tantachasjjāna, ukhamajj Jupajj Ajay toqit mistuñatakiw jawsaski. Jichhajj wastat mā juk'a pach kutt'añani, mā uñacht'awi ukat jikkjatañani.

Jupanakajj Egipto markaruw sarapjjāna, taqe ukanakajj mā jilatan celosiñapatwa ukjjam utjana. Ukatapi Israel markajj Egipto ukawjjankapjjāna uka urunakajj, wali jayāna oraqipata. Jichhajj amtapjjam, Dios Awkin Arsutanakapajj uka oraquin qhiparapkāna ukjjakiw lurasina.

31 Jichhajj, ¿Amuyapjasmati kunti ninkharjjajj oracionan sapkayātan ukjja? ¿Kunatsa Dios Awkijj Faraonan chuymap qalaraypacha? Ukajj wastat markapar kutt'ayañatakinwa oraqiparu, janira Dios Awkijj jupanakar bendiciñapataki, Mesias jupanakar apaniñataki.

¿Kunjjamarak Hitler chachan chuymap qalaraypachasti, Judios jaqinakar arqnaqañataki, kunapachati jupajj chikat judío jaqirakinwa? ¿Kunjjamarak Jupast lurpachasti Stalin ukjjamaraki Mussoline chachanakampisti? ¿amuyajtati? Jan amuyt'anin jaqinaka mā markhajja, jupanakajj—jupanakajj...Dios Awkijj aptañapaw uka—uka kunanaktijj jupanakajj jakapki, aka oraquin kamachinakapa walja pachanaka, lurañataki arsutanakap phoqasiñapataki. Ukatwa uka dictador jaqinakan chuymanakap qalarayañapāna ukjjamat Judionakajj arsut oraqir kutt'añapataki. Ukajj ukjjamañapanwa.

32 Jichhajj jiwasaajj amuytanwa kunjjamas Josè sarāna ukawjjaruuj...uka sarnaqāw yattanwan, kunjjamati kutt'awaysna Genesis ukawjjaru, jumanakajj uñjatapjjasmaw. Kunalaykutejj nayajj—nayajj qalltawaytwa sinti jayp'uki aka jaya mensaje mā Escuela Dominical, ukat nayajj jank'akiw sartawayā. Jichhajj amuyapjjam, kunapachati pachanipkāta uñjatapjjam Jose waynan sarnaqawipa, jupajj jilanakapan taypin qhip qhipa yuriwayi, qhip qhipiri. Ajay toqittijj amuyapjjāta ukhajja jank'akiw arktapjjāta, Jupajj janiw qhip qhipa yoqall wawakikānti, jan ukasti Benjamin. Ukampis uñjapjjam excomunió ukawjjāna. Jose ukat Benjamin Jupanakajj wila masinakāppjānwa, ukat uka paninikiw jila puranjja.

Benjamin janipuniw uñt'atakānti kunapachkamati Jose jilapampi uñkatasipjjāna. Mayninakat sipansa juk'ampi, Benjamín taqe kunati Jose waynan utjkāna ukanakat pā kutiw churatajjāna.

33 Jichhajj walikiw, jichhajj amuyapjjam, ukan jikkjatapjjtan, jupanakajj—Jose waynajj ajay toqit yatjjatatātap laykojj jilanakapat jithiqtayatanwa, Jupajj wali aski jaqinwa, ukampis uka tamat sipansa jupajj juk'amp alt'at chuymañinwa, wali alt'ata. Jan kunatwa jupar uñisipjjāna, jupanakajj jan uñisipkaspānti juparuuj, Jupanakajj respetapjjañapānwa Jose waynarujj, ukampis...¿kunatsa uñisipjjāna juparuja? Kunalaykutejj mā jilanwa jupanakatjja. Janiw ukatakikānti, uñisipjjānwa kunalaykutejj Dios Awkijj jupampiw irnaqāna, janiw jilanakapampi, ¿amuyapjtati? Dios Awkiw jupar churana Ajay toqin amuyt'añataki. Jupajj samkanakat qhanañchāna cheqaki, ukat kunanakati lurasināpakāna ukanaksa profetizanwa ukat cheqt'arakinwa, kunjjamañapakānti ukjjamarjjama. Ukat jupajj—ukat jupajj janiw ukjjaruk jaytkānti sañataki cheqaki. Uka trigo samkatap uñjāna kujjamas jilanakapajj nayraqatapan killt'asipjjāna, ukatwa jilanakapajj jupatak toqe toqisipjjāna. Ukat maynijj säna, ukhamajj nayajj amuytwa...Jumajj mā jan wali Aleluya ukjjamatawa, yakha arunakansti, ¿mā urujj juman nayraqatamamti alt'asipjjajja? Ukampis taqe ukanakajj ukjjamaw phokhasina. ¿Kunjjamarak uka jach'a ch'aman jaqinakasti mā urujj uka jan yaqat waynan nayraqatapan killt'asipjjaspansti? Ukampis taqe ukanakajj ukjjamwa lurasina, ukajj ukjjamanwa, jupanakasti khuyapt'ayasiñatakiw achikt'asipjjāna.

34 Ukampis jupajj janiraw mā ch'aman jaqjjam purkānti, ¿amuyapjasmati jumanakajja? Ukapachajj jupajj mā wawar uñtataw jikkjatasina. Ukhamajj uk lurasajj amuyastanwa, Jose waynajj jilanakap taypitwa apsutāna, denominación ukanakajj juparuuj jaytanukupjjānwa. ¿Amuyapjasmati? Jilanakapa taqpach oraqpachāna. Ukjarujj jutana mā ukjjam jach'a yānaka, Jiwasaajj amuyapjjtanwa Israel markajj...uka cheqan jakasipkāna jupanakajj ukjjakama. Jichhajj uka cheqan qhiparañajj wali askinwa, ukawjjan qamasjjañajj cheqapawa, ukampis jupanakasti Ajayutwa jithiqtapjjāna. Fundamentalistanakajj jichhūrunakanja, cheqpachansa jupanakajj yatipjjiw kunapjjis jupanakajj, Bibliat amuyt'asir mā amuyt'āwi toqe, ukampis Ajayujj janiw utjkiti. Jupanakajj jithiqtapjjānwa Jose waynatjja, jupanakajj jaqonukupjjanwa, jupanakajj janiw kuns uñjañ munapkānti Jose waynampijj. Sapjjanwa, jupanakajj walja aleluyanākāppjiwa, jupanakajj mā...Janiw nanakanjj kuna uñjañas utjkiti jupanakampijj sasina. Jupanakajj

Jose waynarujj jaqsunipjjänwa, Jupanakasti akapacharuw aljapjji, Jupanakajj mayacht'asiñatakijj wali jayanqapjjänwa.

35 Jichhajj ukanak lurasinjja, Jupanakasti uka cheqat apsunitapjjänwa, ukjjarujj Egipto markar apata. Jichhajj, uka celosos jilatanakan sarnaqäwipajj, cheqpachansa jichhürunakan ajay toqit parlki ukajj wali uñtasitawa. Jiwasanakajj—jiwasanakajj taqiniw yantanjja ukanakjja, celos ukawa jan walt'aykänti, janiw q'oma, ukajj mä q'añu, q'añu celociña. ¿Amuyapjasmati? Janiw q'omachasiñajj utjkiti celo ukanjja, ¿amuyapjtati? Janiw q'añu celociñat sipansa juk'ampikiti. Kunapachatı pachpa Biblia uñjasa ukat Biblia qillqir Dios Awkir uñjapjji, Jupa pachpa cheqapar uñjasa ukatj janirakiw qatokañ munapkiti ukanakjja. Suma q'oma...walikiw, janiw q'oma kunjjamti nayajj siskta ukjjama, Ukajj q'añu celociñawa. Uñjapjjam Dios Awkijj usutanakar qolliri, jiwatanakar sartayiri...Apostolonakan urunakapan jakkäna uka pachpa Dios, uka pacha evangelio kunti jupanakajj qillqapjjäna, aka Ajay toqin sarnaqañataki, uka pachpa Dios uka pachpa lurawinaka. Ukhamajj janiw yakha kunakisa jan ukajj uka celociñampiw jaqsunitäna, ukhamajj jiwas taypinjja janiw ukanakajj ukjjamakaniti. ¿amuyapjasmati? Jupanakajj jaqonukupjjanwa.

36 Jupanakajj amuyapjjanwa, uka jilanakapajj, ukjjam mä wayna janipuniw jupanakajj munapkaniti, ukhamajj sapjjänwa, ¿Kunatsa José jilatat jan jithiqtknsa? Ukajj ukjjamarakiw jichhurunakanj lurasiskijj, jupanakajj amuyapjjiwa sasina, iglesianakasajja yatiñan jaqinakaruw tukuwayjjapjji, jiwasan jaqinakasajj wali sumwa isthapisipjji, iglesiasajj wali jach'arakiwa, ministros ukanakas wali yatjjatatapjjiwa, janirakiw Qollan Ajays munktanti kunjjamakanti khaya qalltanjja. Ukajj jupanakajj phoqt'atäppjjiwa...yakha arunakanjja, luräwinakajj arunakat sipan juk'amp jach'at arsu. Uka seminarios ukat p'iqinakapans kunati jupanakan utjki, ukat tantachäwinakapan kawkhantijj aka toqit aruskipapjji, Jupanakajj juk'amp ch'amanipjjiwa jupanakan p'iqin amuyt'ataparjjamajj, mä iglesia sum utt'ayañataki, juk'amp sum Qollan Ajayut sipansa. Ukhamajj jupanakajj janiw ukanak munjjapjjiti, jichhurunakanj janiw ukanakajj munasjjiti, taqe ukanakajj apanukjjañawa. Jichhajj, ¿Janit ukajj cheqpach cheqäki? (Taqpachaniw sapjji, "Amen". Qillqiri) Jiwasanakajj janiw munktanti Qollan Ajayu usutanakar qollañataki. Utjistuwa qollirinakajj, janiw munktanti Qollan Ajayu yakha lajrranakat parlaña. Nanakajj taqiniw ch'ikhi jaqinakapjjta sasina. Ukat kunapachatı jumanakajj ukjjam lurapjjtajja, k'ichikapjjtawa ukawjjata, uka lurawita, uka Jakañ cheqata.

Jesucristojj sänwa uka Judios urunakapanjja, ¿Janiti uk uñjatapta, uka Qalajj janiw yaqatakänti ukampis uka cheqpach Esquina Qalapuninwa ukjjaruw taqpach utajj utt'ayata?

37 Jichhajj, ¿amuyapjtati kuns sañs munta? Jichhajj, nayajj amuytwa jumanakajj—jumanakajj katjjapjjatawa ukanakjja, ukajj uka—uka laykuw jichhajj utji, ukjjam Jupanakajj amuyapjjäna janipuniw ukajj munaskaniti sasina. Sapjjanwa, nanakajj janiw munapti khitinakati yakha lajrranakat parlapi, nanakajj janiw munapti aru jaqokipirinaka. Janirakiw munapti uka profetanakaru uka Merq'e Testamento jupanakaru ukat uskt'añ munapjjaspa utt'ayañataki, Qollan Ajayu toqe. Nanakajj yatipjjtwa ukanakjja sasina. ¿amuyapjtati? Jupanakajj jaqinakan lurat sistemas ukarjjamaw apnaqapjji Qollan Ajayun lantipat toqe.

Ukhamajj, utjiwa jaqinakajj chhijllata, sutinakapajj qillqt'atawa uka Cordero Jakañ Libropäna, Uka laykuw jupanakajj janiw sarjjapkaspati, jupanakan amuyunakapas Ajay toqinkiw, ukhamajj jupanakajj janiw sarjjapkaspati, jupanakajj janiw uk katoqapkaspati, janiw kunas yaqatakiti inas awkinakamas o taykanakamas ukxa denominacional mä iglesia ukankkapchina ukhajja.

38 Kunapachatı ukjjam mä iglesiasijj lurijj...Inas jan ukjjam qhan sapkchiti...Oh janiwa, jupanakajj janiw suma qhan sapkiti, ukampis luratanakapajj uk uñacht'ayijj, akajj uka Aruwa, Qollan Ajayuw jupanak taypin yant'i, Kunapachatı Jupajj jupanakar mayaru tanthapi, ukat Jupajj qollaskakiwa usutanakaruw, jiwatanakarus sarthaptayi, ukat yakha lajrranakat parlapjji, ukatsti supayanakarus jaqsurakiw. Ukjjamasti ukajj uka—kunati jaqin manqhan utjki.

39 Uka warmijj Arganbright sutini, khititi ukawjjankaski, wasur urujj amuyaskayätwa, thakin qont'atäsin ch'ujjña alinak jiq'iqasina, kunapachatı jupajj uka pastonak khuchhuskäna ukhajja. Nayajj uka cheq saraskayäta, niya jumamp chika, jupasti janiwa amuykitänti, ukatsti nayajj ukjjamak jaytawayjjta, nayajj juparujj uñch'ukiskayätwa. Jichhajj amuyapjjam, uka Qollan Ajayu ukat jach'a luräwinakapampi. Iglesiasijj amuyupanj janjjamakiw Qollan Ajayurujj munkiti. Iglesianakajj yatiyapjjätamwa jumanakäru. Ukat uka chachanakajj sayt'asipjjaspaw jumanakar churañataki mä amuyt'añ arst'äwnakai taqe kunas ukjjamañapataki, ukat niyas iyawsapkasmas jumanakajj. Jichhajj, mä juk'a pacha ukawjjan sayt'añäni.

40 ¿Janiti Jesucristosti siskäna, uka päya ajayujj pachpakiskaspas ukjjamaniw, ukatsti sallqantaniw khitinakati ajjllitanakäki ukanakaru? (Taqpachaniw arsupjji sasina. "Amen". Qillqiri.) Jupanakan aruskipäwinakapajj wali ch'ikhipuniniwa, ukatsti ukanakajj—ukajj sallqantaniw jaqinakarujj. Aka evangeliojj, ukampis uka jaqinakajj sum apnaqañ yatipjji uka arunakjja ukjjamat, khiti jaqirus kuns lurapjjakispaw ch'ikhiptayañataki, Jumanakati jupanakar amuyt'asiritap iwaysapjjata ukhajja, jupanakajj—jupanakajj Qollan Ajayuruw juchañchayapjjatam, ukatsti uka jaqiruw irpnaqapjjäni, niyaw ukanak uñjañani.

41 Jichhajj uka pachpaw Jose waynatjj amuyapjjäna, ukat jupanakajj jithiqtapjjänwa jupatjja. Ukat

taqiniw Egipto markanjja...Oh, kunjjamsa jiwasanakajj amuysnajj, inas walja pachanak parlañ munirista, inas jumajj kimsa maraw akan qhiparasma ukat janipuniw uka mensaje ukat mistkasmati, uruy aruma, ukatsti Qollan Ajayun uka jach'a granos jikkjatasakikiñani.

42 Ajay toqin amuyunakajj uñch'ukispaw uksa Egipto markaru ukat uñjañataki uka arknaqañajj sartaskatapa, uñjaraksnawa Jose waynarujj apaqata ukjjamat arknaqañajj juk'amp sartaspa, ukjjamat uñjañataki Dios Awkiru ruedanakapan ruedanakapampi, taqe kunas wali sum sartañapataki, uñjañataki kunjjamas Potifar chachajj Jose waynarujj apanukujj. Uñjañataki kunjjamas uka q'arinakajj luraswayi, ukat uñjañataki Jose waynarujj uksa cárcel mankhana sunkhanakapas jilarata, jilanakapats jaqonukuta, ukampis uka qhepatj akatjjamat, Dios Awkijj onjtasiña uksa toqina, ¿amuyapjtati?

43 Kunjjamas uka ruedanakapan ruedanakapampi onjtasiri, Dios Awkin jach'a amtapajj taqe kuns aka exodo toqir irpjjaruwayi, kunapachatī markapar jawsañapāna wastat kutt'añapataki oraqiparu, uka cheqaru kutt'aña, kawkhantī Jupajj jupanakar bendicispa uka cheqana, Jupanak taypinsti khititijj arsuwaykatayna ukar ust'añataki jupanak taypina. Ukhamajj jupanakajj markapankañapānwa, wal amtapjjam, jupanakajj mistunipjjañapanwa Egipto markata kawkhankapkantī ukawjjata, ukat mantañataki uksa arsut oraqiru, janir arsut Mesias jutkasajj.

44 Jichhajj iglesias uka pachpa lurañapajj, uka jan iyawsirinakan tamapat mistuniñataki, ukat mantañataki kunatī arsutakāna, janir Mesias jupanak taypin uñstkipāna, ¿jichhaj amuyapjtati ukanakjja? (Taqpachaniw sapjji. "Amen". Qillqiri.) Uka Mesias jakawipajj uñacht'ayata, wakt'ayañataki mā iglesia, mā Novia...mā warmi khititi mā chachamp jaqichaski, ukat uka warmijj janiw walt'ayaskiti uka chachampijj, inas ukajj—ukajj mā chhajjwañakispaw sapa kutijj. Ukampis kunapachatī mā chachajj warmipampijj uka Noviapampijj uka munatapampijj, Kunapachatī jupanakajj sum mayacht'atāpki ukhajja, mā almampi mā amuyumpi, kunatī jupanakajj mā sap jañchikipjjiwa. Ukhamajj, kunapachatī iglesiasj Dios Awkimp ukjjam sum apasipjjaspa ukhajja, kunapachatī Noviojj uñacht'ayaski Noviaparu ukjjakama, kunalaykutejj Jupanakajj mayarukiw tukt'awayjjapjji, Oh, kunjja suma yatichawis akanakajj, jichhajj walikiw.

Jichhajj amtasipjjapunim, Ajay toqit amuyunakajj katjjaspaw ukanakjja, ukatj uñjaspaw kunjjamatī jutkāna ukharjjama, ukatj katjjakispaw ukanakjja. Mā cheqatakiwa, Uka toqitjja walja pachanakaw parlapsnajj, kunanakas lurasiski uk uñjapjjarakim. Ukat ¿kunatsa akch'a maranak suyt'apjjtanjja, aka oasis pachanakatjja ukatpacha?

45 Jumanakajj yatipjjtaw, Biblianjj siwa iglesias jaltawayjjānwa uksa wasar toqiru, kawkhantijj manq'ayatakāni mā pachan pachanakapatsa, ¿ukat kunatapachasa taqe akanakajja? Kawkhantī jiwasanakajj...¿amuyapjtati? Ukanakajj ukjjamaw Dios Awkin muyujj ukatj muyuskakiw. ¿Kunatsa Dios Awkijj nayratpach jan ukjjam lurkpachana, Kunapachatī chachanakajj ukjjamarak warminakajj laphinakapampi qont'asipjjāna ukhajja, ukat jupanakajj pachanak jakthapiñatakiw ch'amachasipjjāna? Kunjjamatī uka chachajj Judge Rutherford ukat yakhanakampi ukat sapjjāna, Jesucristojj jutaniw uka tunka pusini 14 ukat—uka tayka Shipton, ukat qhipajjāna jaya pachanaka ukat juk'ampinaka, taqe uka urunaka...Ukat, ¿amuyapjtati? Kuntī qillqatanak amuyañatak ch'amachasipkāna ukarjjam sarnaqasa, ¿amuyapjtati? Jupanakajj janiw uk walt'ayapkānti.

Taqe ukanakajj imantatawa, cheqpachansa ukanakajj imantatawa, Ukat kunjjamarak qellqatanakajj jupa pachpa saykatasispasti, Cristojj kunapachatī siskāna akjjama, janiw khiti jaqis yatkiti uka urumpita ni uka orasampita? ¿amuyapjtati, ¿amuyapjtati? Mā jisk'a t'aqat apsusaw uka qillqatanakat katjjarusipje.

46 Jumanakajj taqpach qillqatanakwa parlapjjañamajj, ukjjamat yatiñatak Dios Awkijj ukawjjankatapa, ukat Dios Awkijj ukjj cheqapunītap uñacht'ayani. Kunjjamas qollasiña, sitejj ukanakajj jan cheqakchi, ukhamajj janiw cheqañapakiti, Dios Awkijj janiw kuna lurañas ukan utjkaniti, ukampis Jupatejj cheqātap qhanañchani ukhajja, ukhamajj ukajj cheqapuniniw.

47 Kunjjamatī Jesucristojj, Dios Awkijj sāna, "Maynitejj amuyaschi jumanak taypinjja mā profeta o ajay toqita, Nayaw jupar parljjayā, ukat sitejj kuntejj jupajj siskāni prokhasinijja, ukhamajj juparuw ist'apjjāta. Ukajj ukjjamañapaw, ukampis kuntejj jupajj parlkāni ukat pantjjatarakikāni, ukjjamakani ukhajja, kunalaykutejj Dios Awkijj janiw pantatakaspāti. Jupajj jan tukuskir Jesucristuwa, jan pantjasiri, taqe ch'amani, Jupajj janiw patatakaspāti. Ukhamajj sitejj mā jaqijj parlaskchi ukhajja, ukatsti uka jaqir uñacht'ayataw...Jupatejj pachpa arunakap arsuspa ukhajja, ukajj pantjjasiniw. Ukampis sitejj jupajj Dios Awkin arunakap parlani ukhajja, uka arunakapajj janiw pantjjaskaspati, kunalaykutejj Dios Awkiw parlaskijj. Ukhamajj arsutapajj jutiw Dios toqita, ukat—ukatj cheqañapawa ukanakajj. Ukjjamatwa Dios Awkijj sapjjāñasatak sistu, taqe ukanakajj Bibliarjjamawa...Merq'e Testamentonjja, Jupajj sänwa, Jupanakatijj kamachinakarjjama kunatī profetanakajj arsuwaykāna jan ukarjjamakanijja, janiw jupanakan utjkiti uka Jakañajj, janirakiw utjkiti uka Khanas. Ukjjamapuniwa. Jupanakajj kamachinakarjjamaw profetanakarjjamaw parlapjjañapa. Ukat uka profecias o inas yakhanakampi, taqe ukanakajj Aruparjjamaw lurasīñapa, janitī ukjjamakāni ukhajja, ch'usa pantjjatawa. ¿amuyapjtati?

48 Jichhajj, taqe ukanajj jikkjatatppjtanwa kunapachatī ukanakajj luraswayjjiiw...kunalaykutejj...suytanwa uka avivamientos. Metodistas, Luteranos, Bautistas, Campbellistas ukat—ukat yakhanakampi, jupanakajj

utjawayiw jach'a avivamientos. Nazarenos, Santidad Peregrinos, Pentecostales, jupanakanjj utjawayanwa jach'a avivamientos, ukampis uka jach'a éxodo janiw luraswaykiti. ¿kunatapachasa? Dios Awkijj Abraham chacharujj sawayänwa, uka oraquin jupar imañataki, Amorreonakan jan wali luratanakapajj janiraw phoqhaskänti. Ukat Dios Awkijj pacienciampiw suyt'awayäna. Uka jaqinakajj amuyañ munapjjäna, jupanakajj uñjapjjiw qillqatanakajj cheqapar puriskir, mä kunaruw puriskatapa, jupanakajj sapjjiw, "Ukajj jichhuruw, jichhuruw uka pachajj" Ukampis jumanakajj janiw cheqapar uñjaptati uka Amorreonakan jan walinakapajj janiraw phokhaskiti.

49 Pusi pataka maranakaw, Egipto markan sarnaqapjjañapäna, ukat apsunitaw uñjasipjjañapäna. Ukampis cheqpachanj pusi patak pusi tunk maranakaw ukawjjankapjjäna, kunalaykutejj jupanakajj janiw katoqañ munapkänti uka profetar. Ukampis jupanakajj wal t'aqesipjjäna, niya pusi tunka maraw wasar ukawjjankapjjäna, janir Dios Awkijj jupanakar apsuskäna ukhajja. Moises profetajj pusi tunka maraw wasaran panpankäna janir jupanakar qhespiyañataki. ¿Amuyapjtati jumanakajja? Pusi tunka maraw amtat pachajj saraqawayjjäna, jaya pachanaka, kunalaykutejj jupanakajj janiw uka yatiyäwir iyawsapkänti.

Jichhajj, Dios Awkin pachanakapanjja pusi tunka maranakajj niya mä minuto chikatani pachakipachaw. Ukjjamaw mayjt'awijj utji, "waranqa maranakajj mä urukiwa" ¿Amuyapjtati? Janiw ni mä minutos ukakikaspäti, uka uñakipt'añäni.

50 Jichhajj janq'akiw pachanakajj saraqawayjji, ¿kunatapachasa? Dios Awkijj sinti llamp'u chuymaniwa suyañataki, uñch'ukiñataki. Luteranos jupanakarujj lurawayiwa uka—uka mä avivamiento, ukat jupanakajj mä organización ukaruw tukt'awayjjapjji. Metodistas jupanakas uka pachparakiwa lurawayapjji uka avivamiento. Ukat mä organización ukaruw tukt'awayjjapjji. Ukat Juan Smith uka iglesia Bautista mä jach'a avivamientow qalltäna, ukatj mä organización ukaruw tukt'awayjjapjjäna. Ukat Pentecostal sartapjjänwa restauración ukampi mä wajjt'awi toqe, ukatj mä organización ukaruw tukt'awayjjapjjäna. Uka ñanqha lurawijj phoqhasiñapkama, ukatsti Dios Awkijj tage ukanakampiij qaritajjiwa.

51 Ukat uksarusti jutiw mä éxodo, jiwasanakajj uñjtanwa ukanakajja, jaqinakajj pachpa nayra pachanak uñjapjjañapataki, uka yäjj ñanqhachejj. Babilonia markankir mä suma isi ukat mä kori lingote apt'asipjjäna. Ukat ukaw jaqinakarujj ñanqhachejj, kunapachatijj jaqijj amuyunakapar yänakar ch'allt'añ yant'ki ukhajja. Uka Arumpiw qhiparañasajj; ukanwa Dios Awkin kamachinakapajj, Jupajj sänwa, janipuniw uka markanj kuns llamkt'apkatäti, uka markajj maldecitawa. Jan llamkta'pkamti ukanaka, ukharuk jaytanipjjam. Ukat Acan chachajj amuyanwa apasiña uka qori lingote ukat jan kuna walt'äwin jakaña akapachankir jaqinakjjama...ukat Babilonia markankir uka suma isimpi. Oh, uka walja Acan chachanakjjäma uksa carpanakäna...¿amuyapjasmati? Ukampis uka Babiloniantir isijj maldecitanwa, ukajj ukjjamapuniw ñanqhachataña. Ukajj ñanqhachatajjanwa uksa Concilio Nicea ukatpacha, uksa Nicea Roma. uka pachatpachaw ñanqhachataña, ukampis Dios Awkijj ñanqha lurañanakajj phoqt'askakiñapatakiw jaytawayäna, uka Amorreonakan pachanakapajj phoqasiñapkama.

52 Ukat jichhajj, khititi ajay toqin amuyaniki, amtapjjam aka, akanak arsuwayä, ajay toqin amuyumpi. Jumanakajj uñjapjjasmaw aka markan jan wali lurawinakapajj phoqt'ataw. Jupajj organizataw ukat wasitat organizataw, organizada wastat organizada. Jichhajj jupajj mayacht'atawa ukat yaqha toqir mayacht'atarakiw, jan wali lurañajj phoqt'atawa. Jichhajj uka pacha mistuñatakijj wakt'ayataw, suma oraqir jawsañ pachaw purini, janiw yaqha markar sarañ arsutakiti, jan ukasti mä Utaru, uka Milenio, mä pacha mistuñataki. Aka markan jan wali luratanakapa, Jichha arumajj wasitatwa arst'a sitejj Jesucristojj ukjjam munani. Phoqt'atajiw, jupajj sinti q'añujjiw. Inas jumanakajj sapjjasma, jilata Branham, ¿aka marka kawkhanti jumajj qamasista? Jisa tatanaka, ukajj ukjjamapuniw, jumanakajj sapjjasmaw, Estados Unidos markankir jaqjjama, jan ukjjam sasmati jilata Branham. Ukhamajj Elias profetajj jan Israel markar mä ñanqhachaw apayankaspänti, kunalaykutejj Elias profetajj mä Israelitanwa. Ukhamajj mayni profetanakajj janiy uka markar ñanqachapaspänti, kunalaykutejj jupanakajj Israelitapjjänwa.

53 Ukampis jupanakajj parlapjjänwa, janiw jupanakan amtataparjjäma, jan ukasti Dios Awkin Arunakapa. ¿amuyapjasmati? Ukajj kawkhans lurawijj jikjjatasi ukarjjamaw luras, jumanakataw kunjams jumanakajj jakasipta, sitejj Dios Awkin jan Aruparjjamakchi, apanukupjjam sumata ukanaka. Mayirakta khitirus uka Arujj jan walitap uñacht'ayapjjitaspa.

¿Janiti Biblian siski Apocalipsis13? Ukawjjanwa kawkhanti aka markajj uñsti, aka markajj tunka kimsani jakuwiwa, mä warmin markapa. Jupajj mä warmiwa Biblia toqinjja, warmijj jiwasan qollqi manqhankiw, akajj mä warmin markapäwa. Ukanwa warminakan aynacht'awipas qallti, qalltiwa, ukat kawkhans tukt'ayaraki, uka aynacht'añajj qalltaninwa uksa Eden toqina, jan Dios Awkin Arunakapar iyawsañ, Aka cheqanwa warmi pastoranakajj uñstawayäna. Jan wali lurañanakajj mistuniwa uksa Hollywood markata, akapachan juk'amp jan wali marka, akapachankir markanakat sipansa juk'amp jaljjtañanakaw utjawayi, ¿amuyapjtati?

¿Kunatapachasa? Jumanakajj amuyasipjjataw akat mä urunakarujj, sitejj ukjjam munani Dios Awkijj, jumanakajj uñjapjjataw kunatsa akanakajj ñanqhachata. Jumanakajj uñjapjjasmaw kunjamas Supayajj jaqinakan nayranakapar uchawayi uka jaljjtaña toqit juykhükaspas ukjjama. Mä ajjsarkañ horasanktanwa,

Jichhajj tukt'ay pachanakajj niyaw jak'ankjje, nayajj ukjjam amuyta, jupanakajj q'añuchatäppjewa, q'añuchata manqhakama.

54 Jupajj uñstaniwa ukxa Apocalipsis 13, tunka kimsani, amtapjjapunim, akajj sardanwa mä iwijjar uñtata, ukajj sañ muniwa mä religiön jan khitimpis apnaqata, ukampis ukapachaw katuqäna ch'ama uka ajjsarkañ laq'ota, jupar uñtasitänwa. Jupasti taqe ch'amampi arsüna, kunjjamti uka laq'oij nayrajj lurkäna uka pachpa q'añunak lurarakäna. Ukjjamasti sapjjita, janitijj aka markat profecias arsutäkchijja. Amorreonakan lurawinakapajj niyaw poqurjji, Kunalaykutejj jupanakajj niyaw uka toqit irnaqasipki. Ukat uka machaq tatakurasa, jilir amtapajj uka tatakuranjj jilatanakar kullakanakar mayacht'añatakiwa. Ukat aka janchin nayratakiija, taqe ukanak lurañatakiw, ukampis Dios Awkin nayrapatakiij, taqe ukanakajj janiw Qollan Ajayun lurawipakiti. Jiwasanakajj janiw ukanakam chikanchasnati, ukat sapa iglesiaw uka federación ukamp katjjatäni. Jumanakajj mistunjjapjjam taqe ukanakäta janq'aki. Jan ukjjamakan ukhajja katoqapjjataw uka laq'on chimpupa, jan yatisina kuns lurasiptajj. Mistunipjjam taqe ukanakäta.

55 Ajay toqit amuyunakajj ukjj amuyapjjaniw, nayajj yatwa jumanakajj lurapjjatäwa, ukampis jiskt'asiraktwa kunanis anqankirinakatjj. Ukampis maynijj janiw sarkaspati yakha markanakarujj, ukhamajj apayañasaw uka Cintas ukawjjanakaru. Dios Awkijj yatirakiw kunjams purt'ayaña uka jaqin amuyunakaparu kawkhanti yapuchatäki uka jathajj. Ukajj ukjjamapuniw, ukat kunapachatä uka Qhanajj llamkt'kani ukhajja, (jilata Branham thajjllirt'asiw. Qillqiri.) Ukapachajj qhantaniw, Jakatataniw. Kunjjamakanti uka warmimpi ukxa phuch'u toqina, ukat jupajj säna, ukajj "Jupapuniw sasina" uka warmijj janq'akiw katjjäna. Mistunipjjam jupanak taypita, ukajj jan walipuniw, ¿jan walipuni? Sapjjitchha kunapachatijj maynijj jaqosjjijj ukat sartaspat wastatampist. Sapjjitchha kunapachatijj maynijj sartaspa wastatamp ukat jaqosirakispäti. Ukhamajj jumanakajj uñtapjjam taqe ukanakajj jan walipunispa.

56 Walikiw jichhajj, ñanqha lurañajj janiraw phoqt'atakänti uka Amorreonakana, ukatwa janir mistkasajj qhept'apjjañapänwa ukat suyapjjañapänwa. Ukampis kunapachatä amorreonakajj juchap phoqantjjapjjäna ukhajja, ukhamajj ukapachaw jutjjäna uka ajay toqina mistuñajj, o janchin mistuñajj, ukat jaqinakar irpjjäña ukxa janchin markaparu, kawkhanti mä kutijj uka janchin Amorreonakajj jakapkäna, ukat jupanakajj sapjjäna jiwasan oraqisaw.

Ukat uka denominacion amorreonakan luratanakapajj, jupanakajj walja pachanakaw sapjjäna nanakaw uka iglesiaptja sasina, jan wali luratanakapajj niyaw phoqasiñampiski. Jutaskiw uka mistjjaña, ukawjjanwa Dios Awkijj uñacht'ayani khitis khitis, kawkhanti iglesia pachpajj, Jesucriston Noviapajj waysutakäni uka exodo irpantañataki ukxa arsut Oraqiparu. "Awkijjan Utapanjja walja utjäninakaw jakañatak utji"

Jumanakajj ukawjar sarañatakiij janiw kuna nuwt'asiñamakis kunjjamti jupanakajj nuwt'asipkäna ukjjama. Ukajj niyaw wakt'ayatäjj, ukampis yattanwa aka janchitejj tukusjjanejj, yakha wakt'ayataw alajppachan utjistu. "Kawkhantejj nayajj qamastjja, jumanakajj ukawjjankapjjataw" Uka Jach'a mistjjañajj jak'ankjjewa. Uñjapjjañani Kunjjamsa Dios Awkijj uka mistjjäna luranjja. Kunjjamsa Jupajj...kuna wakichäwinaksa wakt'ayänjja, mä juk'a pach yatjjatañäni, ukat jichhuru uñakipt'añäni.

57 Jichhajj amuyapjjajjani, janir aka mistjjañajj ukhajja, mä—mä Faraön chachaw sartäna uka Faraön janiw uñt'känti Josè waynarujj. ¿amuyapjjasmati? Mä Faraön janiw Josè waynarujj uñt'känti—janiw uñt'känti Josè waynarujj. ¿Kunarus Josè chachajj uñacht'ayäna? Aka ajay toqit mistuñanj ajay toqit cheqaw utji, jichhajj sartaskiw ukawjjanjja...jiwasajj antutatajjtanwa. Uka warmijj uñjatanwa mä pachataki ukat mä chikat pachataki jaljawi. Ukampis niya tukt'ayarujj sardanwa mä—mä Jos—o mä jan wali Faraön, jupajj janiw yatkänti kunas mä cheqpach religionajj, taqe kuns mayarukiw apthapina. Jan akajj jumanakatakiij jan yaqañjjamkaspati, mä pachaw purinina mä faraön nayraqat utjañapataki. Ukat organizacionanakajj wali sumaw jakasipjjäna, jupajj jakasina mä alir uñtata ukxa cheqpach cristianismo qoqana, ukampis achuyaskiw nayra cheqpach achunakapa, uka warminakajj jan suma isthapita, uka chachanakas wali ch'ikhinaka janiw yaqapkiti uka Qollan ch'ama. Ukampis jupanakajj jakasipkiw mä iglesian sutipjjaru, ukajj mä qoqar apkatakiw, ukampis Yapuchirijj uva ali khuchhukiriw jutaski, kunjjamti arskäna ukjjam lurañataki. Taqe khitinakatijj jan achunipki ukanakajja, khuchhuqatapjjiiw nina manqharu phichkatañataki.

58 Akajj wali ajsarkañawa sañajja, ukampis cheqa yatichäwijj awisajj wali ajsarkañawa, kunjjamati sasipkayasma jumanakaru, kunjjsa Dios Awkijj wawanakapar uma manqha taypinjjam irpaski ukat laq'a ch'allanakjjam ukatsti yaqhanakampi. Ukjjamwa jupajj lurañ munijj. Amtapjjam, uka—uka uka phukujj t'aqa t'aqaruw t'unjatañapa, apthapita jisk'anakaru, ukat wastat lurt'añataki. Uka t'unjañajj wali ajjsarkañakaspas ukjjamawa, ukampis ukjjamwa luratañapajj, ukjjamat uka phukujj wastat lurt'atañapa, uka vasos o kunakakti jumanakajj lurasipta.

59 Utjanwa mä Faraön khititi sayt'asina, jupajj janiw uñt'känti Josè waynarujj, ukaw qalltan qalltañapäna, Ukaw qallta mistjjañanjja. Ukat kunapachatä ukajj política ch'aman toqit qalltäna ukhajja, uñstañ qalltäna, Dios Awkijj qalltarakinwa wakt'ayasiña. Amorreonakan juchanakapajj phoqhasiskänwa, Abraham chachar arsutakäna ukajj uka pachajj phoqhasjjäna, khespiyasiñ pachajj jak'ankjjänwa. Ukat

Dios Awkijj jaysänwa sayt'asiñapa mä Faraòn khititi jan uñt'käna Josè waynarujj, ukatsti yuriwayjjanwa mä Ramsès chacha. Ukat Seti sat chachan qhepatjja Ramses sat chachajj jutäna, Ramsés chachasti janiw Josè waynan bendicionanakap yatkänti. Ukat—ukat jupasti janiw yatkänti kunas ajay toqit jutaspajj, Jupajj política toqit mä ch'ikhi jaqënwa, Etiopía markar jupajj katuntaspanwa ukat inas yakha markanakampi, militaranakan ch'amapampi, ukakwa jupajj yatinjja, uka—uka militaranakan ch'amapa.

60 Ukat nayajj amuyayatwa sitejj mä jaqijj ajay toqinj, ukat amuyaspa kunanakatì lurasiski jichpachajj. Katoqastanwa mä Faraòn jupajj janiw kuns yatkiti uka religion jasaki sarnaqañjjata, kunapachatì uka p'iqinchirisajj mantawayjjäna ukxa oficinap toqirujj, jupajj janiw juramento lurkaspati, khititi religion jasaki sarnaqañar iyawskäna.

¿Kunas lurasina uka yaqha urujj aka jiskt'anipkta ukhajja uka jithikañ toqitjja ukxa aynachanjja? Kunapachatì uka p'iqinchir ukxa—ukxa Alabama markana...nayajj parlañwa munayäta uka ministro—uka Martin Luther King chachampi, ¿Kunjjamatsa mä jaqijj p'iqinchirispa ukat irpañataki markaparuru mä jiwayañ sipitar puriñkama?

61 Uka jaqinakajj esclavonakäppjaspäna ukhajja, nayajj ukankiristwa thatsusisa uka sacojja, nuwt'asiñataki uka jaqinak layku. Jupanakajj janiw esclavo ukjjamapkiti, jupanakajj markachirinakawa, Jupanakajj uka markan markachirinakawa. Yatiqañ utar sarañ toqit jiskt'awijj, uka jaqinakajj—sitejj jupanakan utjchi uka qala chuymajj ukat janirak yatipkani uka toqinakatjja, jumanakajj janiw ajay toqir yänak mä markar apanipkasmati, kunatì ukanjj uka ch'aman políticos ukanakamp uchatäki. Jupanakajj katuqapjjañapawa, ukat wastat yuriña, ukatsti jupanakajj ukanak uñjapjjani.

62 Ukampis aka chachajj, sitejj nayajj parl'tirista uka chachampi—khititi irpaski uka aski jaqinakaru, uka religiön sutimpi, mä jiwayañ sipitaru, kawkhantì jupajj waranq waranq jaqinakaru jiwayani. Jupanakajj janiw...jupanakajj amuyapjjakiw uka—uka janchi toqinakwa.

Aka jaqijj, uka ch'iyar jilata, kunapachatì uka jach'a sartasiwijj Louisiana markan purinkäna ukhajja, nayajj ukankayätwa uka pachajj. Kunapachatì uka...utjanwa mä ch'iyar ministro, mä munat jilir jilata, ukat jupajj sayt'asina sasina, jiskt'änwa uka jaqinakaru, ¿Jupanakampi parl'tiristi? Jupanakajj nayan markajjawa. Ukat aka awki ministro ukawjjan sayt'asina sasina, nayajj sañ muntwa aka alwatajj, nayajj janipuniw ch'iyar jaqitajja phenq'asirikti. Nayan Luririjajj kunjjamäktsa ukjjamakitwa. Ukjjamakiw Jupajj nayan qhiparañajj muni. Ukjjamakiw sapa jaqin qhiparañap Jupajj muni. Jupajj lurawayiw janq'o panqaranaka, laram panqaranaka ukat taqe kast panqaranaka. Jan jupanakaru mayjtt'ayapjjamti, jan jarkhantapjjamti jupanakaru, ukjjam lurasajj janiw walt'ayaptati.

63 Jupajj sänwa, janipuniw ch'iyar jaqitajja phenq'asirikti, jichha alwatkäma. Jupajj saskakänwa, Kunapachatì nayajj markajjar sartaskir uñjta ukhajja, ukatsti kuntijj jichhajj lurapki ukanak lurasipkaki, jupajj sänwa, nayajj ukanak uñjasajj phinq'asiyituw, Nayajj lup'iyatwa, "Dios Awkiy bendispan uka arunakaparuru". Jupajj saskakänwa, jumanakajj jan walt'awinakaruw purt'apjjasmajj, saskakänwa, uñtapjjam akawjjan uka yatichañ utanakaru. Janiti utjkaspa uka yatiqañ utanakajja, jupajj sänwa, ukhajj yakha kastapunispaw. Ukampis, ¿khitis aka Louisiana markanj juk'amp suma yatiqañ utanakanipacha? Jupajj sänwa, uñjañani mä uñacht'awi aka markasata Shreveport, saskakänwa, utjiwa mä yatiqañ uta uka janq'o jaqinakataki, ukajj niya mä yatiqañ merq'e utajjiwa. Ukat jupanakajj yaqha lurapjjäna, jupanakanj janiw ni mä instrumentos utjkanti, ukanjj utjiwa mä anatt'añ wawanakataki; utjapjjituwa wali phoqt'ata taqe kunas. Ukat sipansa, jupanakajj mä jach'a piscina marmol ukat lurarapipjjitu wawanakas anatapjjapataki. Ukat nanakajj wali suma yatichirinakanipjjtwa khitits sipansa, saskakänwa, ¿Kunatsa ukxa cheqaru sarjjañ munapjjta jiwasanakanj utjistuwa juk'amp sumanaka akawjjanjja? ¿kunas jumanakajj ukjjamapjjta? Ukjjam jupajj säna. Ukat uka jaqinakajj sapjjäna a—a—a ukat amukt'ayapjjanwa uka arunaka. Ukawjjankapjjtaw jumanakajj, ¿amuyapjjasmati? Janiw sum luratakiti. Uka jaqinakajj esclavonakäppjjänwa, jupanakajj jilatanakajjaw ukjjamaraki kullakajjanakaw. Jupanakatijj esclavo ukjjamaspajja, nayajj siristwa, jupanakamp chikt'ata sarañani ukxa calle toqiru ukat sayt'asiñani uka jan walinakäta.

64 Jupanakajj janiw esclavo ukjjamajjapjjiti, jupanakajj mayni jaqinakjjamaw pachpa derecho ukanipjjjiwa markachirjjama. Ukajj mä qotu parliri infiernot jutirikiwa, jupanakaru waranqanak jiwarayañataki. Jupanakajj qalltapjjaniwa mä nuwt'asiwimpi; cheqpachansa ukjjamaniwa, janiti cheqaki. Chachanaka warminaka jupanakajj pachpa derecho ukanipjjjiwa, jiwasan ch'iyar jilanakasajj, Japones jilatanakas, k'ello, janq'o, ch'iyara, ukat kunaymaninak. Dios Awkitakijj janiw utjkiti yakjj yakajj, taqiniw jutawaytanjj mä sap jaqitaki, Adan chachata. Ukampis Dios Awkiw ukjjam jaljttayistu ukat lurt'asistu yakjj yakjja coloranaka, ukjjam qheparañäni, sitejj nayajj mä k'ello jaqirista, nayajj Japonés jan ukajj chino ukjjamäskakiñ munta. Ukat sitejj nayajj mä ch'iyar jaqirista, nayajj ukjjamañak munirista, kunalaykutejj ukjjam Dios Awkijj lurt'asitu.

65 Cheqpachansa, wali respetow utji ch'iyar jaqinakaruujj, ukjjamañaparakiw janq'o jaqinakampijj. Jupanakajj janiwa llakisipkiti, jupanakajj juk'amp ajayunipjjjiwa. Ukanakat waranq kunayman yänakaw utji janq'o jaqijj janiw llamkt'kaspati. Dios Awkiw ukjjam jupanakaru lurt'awayi. ¿Khitis mä coro ch'iyar

jaqinakjjama q'ochupjjaspajja? ¿Kawkhansa ukjjam arunak jikjjatapjjasma? Jaya markanakat jutirinak nayajj uñjta, jupanakajj janiw yatipkānti kawķiris kupi amparajj ch'eqa amparas. Kimsa tunka jan ukajj pusi tunka kunayman tribunakata, ukat jupanakajj walwa q'ochupjji kunapachkamati yatichirijj ukan sayt'asisin sāna; nayajj janiw atipt'irjjamākti. Jupajj walja maranakaw coronak yatichāna, maynijj octava ukankanwa maynijj jisk'a octava ukankarakinwa, ukat taqe ukanakampi, ukat jupajj sāna, Ist'apjjam uka, ukajj wali askiwa, inas yaqha arunakansa. Jupanakajj wali suma yatiqatapjjiw.

66 Ukampis uñjapjjasmati jumanakajja, taqe akanakajj ukjjampinwa lurasināpāna, taqe akanakajj jumanakaw ajjllisipjjtajj mā político uka jan wali sallqantir amuyunakampi. Pasir urunakajj, kunapachati uka p'iqinchir irpirijj ukawjjan sayt'atajj, jupajj mā juramento lurāna kunalaykutejj uka jaqinakaw ajllipjjāna irpañapataki, ukatjja mā jiskt'awiw uka constitución ukarjjama jaljañataki utjana, kunalaykutejj sapa—sapa markawa jupanakan pachpa amuyt'awipa lurapjjāna uka toqinakāta. Jupajj janiw kuns lurkānti, ukampis jupajj uñjatānwa uka constitución ukat sāna, ukhamajj, yatiqañ utajj segregación ukarujj yanapt'iwa, jupanakanj utjiwa uka yatiqañ utajj, ukat pā ch'iyar wawanakakiw uka yatiqañ utar mantañ munapjjāna kunapachatiij jupanakan pachpa yatiqañ utaw utji. Ukampis jupajj sayt'asinwa ukat sän... kuns jupajj lurana...jupajj uñjatanwa uka constitución arsuñataki.

67 Ukhamajj kunapachati aka jaqit akan utjkistu ukawjjanjja, janiw uñt'kānti Josè waynarujj, suman sarnaqasīna, jiyt'asina uka ch'iyar jaqinakan votonakapa, ukat jan yatkasaw uka Partido Republicano ukaw nayrīr kutijj jupanakar qhespiyawayi, aljjantasipjjanwa primogeniturapa ukat taqe kunanakaru, mā jiwayañ sipitar irpañataki, uñacht'ayañataki jaqin luratapa sapa sistema liwisiñapaw. Ukajj cheqpachapuniw cheqapa. Ukat tata Kennedy, uka guardia nacionalizanwa, ukatsti uka jaqinakaruw khithāna pachpa awkinakapamp nuwt'asiñapataki, ukawjjan sayt'atasipkāna uka constitución katt'ata. Ukajj wasitat p'akintawayi uka constitución.

68 Jupajj sänwa, nanakajj janiw nuwt'asipkāti, janiw tatānaka, ukat jupajj sāna, nayajj muniristwa aka markajj amuyasispa, jiwasanakajj janjjamakikiw qamasjjtanti mā democracia ukanjjama, jan ukajj mā dictadura militar ukamp apnaqatajjtanwa.

69 Jumanakajj nayra sawinak yatipjjtaw, "Mā demócrata aynach toqita ukastajja, ukajj wiñayatakiw" Jichhajj janiw yatkti. Cheqansa mā chachajj kuns amuyañatakijj wali amuyt'asiriñapaw kunanakas jutaspajj. Uka wali aski jaqinakar jaqir jaytapjjam; jan jiwayapjjamti. Kunjjamti ukawjjan uka jaqijj uka jilataruw fusilamp tirt'atāña qhepajj toqita uka pasir jayp'u arumajj, ukat wawanakajj ukjjamarak jaynapajj(esposa) utapankasipkānwa. Nayatakijj janiw khitiñapasa jupajj yakti, ukajj janipuniw walikiti. Jisa tāta.

Muniristwa mā kutiki juez ukjjamañna uka toqita, kunatsa jiwaypachāna uka chacharujj kunapachati jupajj utaparu saraskāna wawanakapamp ukjjamaraki jaynapamp (esposa) jikisiñataki, jupajj mā markachiriwa, kunalaykutejj jupajj kuns arsusiñatakejj sayt'asispaw kunjjamti jupajj amuyiki ukjjamarjjama, mā aski jaqi. Fotopajj uka revista Life ukankiwa—kunjjamas jisk'a wawapajj wal jachaskāna tatapatjjāma, uka jan wali jaqiw juparujj jiwayāna qhepajjāta mā emboscada ukana... Ukjjamarakiw jumanakampiij kunapachati Jesucristor jan iyawsaptajj, ukajj cheqapuniw.

Ukjjamarakiw taqpach markajj purt'awayijj, taqe kunaw política toqita. Ukajj mā p'inqawa, ukampis ukjjam jiwasanakajj muntanjja. Aka chhijllawin yant'apjjtanjj.

70 Jisk'a wawajjajj saskitanwa jichha alwatajj, Papito, uka Peregrino awkinakajj, kunapachati jupanakajj jutapjjāna akawjjarujj, ¿Taqinik uka iglesia denominacional ukankapjjpachāna? ¿taqinit ukankapjjpachāna?...jupajj akjjam sāna, jupanakajj ¿jach'a abrigonakanipjjānti? Ukat nayajj sayāta, janiw munat wawa, jupanakajj suman sarnaqañatakiw akar jutapjjāna. Ukaruw jupanakajj jutapjjāna akawjjarujj, uka kasta lurawikat jithiqtañatakiw jutapjjāna. ¿Jichhajj kawkhanti jikjjatasipki uk uñjapjjtati? Uñacht'ayataw taqe uka reinonakajj t'unjatāñapaw. Nayajj muntwa jank'ak sartaña.

71 Yaqharaki, nayajj mayistwa jilata Martin Luther King cheqpachans jank'ak sarthaptaspa, jupajj munasiw markaparujj; janiw ukatjja kuna pachasiñajj utjkiti. Ukampis sitejj jupajj—amuyasispajj kawkhats jutijj uka amuyupajj. ¿Yatiqañ utar sarasajj kuna askis jumatakijj utjaspa ukat jumanakat mā waranq jiwatanak utjasajj ukhajja? ¿Kunjjamatsa yatikañ utar sarañajj walikispa? Jichhajj, manq'at awtjata, sitejj akanakajj yaqhatakispa, esclavōñatakispa ukhajja, uka jaqijj ukjjam luratapatj jakāwip apt'asispas ukhajja mā aski t'akhesir ukjjamāspawa, mā wakiskir amtāwi; ukat ukajj wali askipunispāwa. Ukampis yatiqañ utar sarañatakik, nayajj—nayajj janiw sum amuykti. Nayajj janiw iyawskti Qollan Ajayujj uka toqijj walik ukajj saspa, akajj taqpach jaqinakaruw mā jach'a ch'ajjwawiruw puriyi. ¿amuyapjjasmati jumanakajja? Kunjjamati—kunjjamati Hitler chachajj lurkāna Alemania markampiij, jupanakarujj mā jiwayir sipitaruw cheqak irpjaruwayānjja, uka suma Alemán jaqinaka; ukat walja waranqanaka jan ukajj millónes jaqenakaw jiwarpjjarakīna, ukanjj maynit maynikamaw qot qot ukjjamāna. Jichhajj ukajj cheqpachapuniw pachpakiski, ukat amtasipjjam taqe akanakajj grabataw, jumanakajj— uñjapjjataw akanakajja inas nayajj uka pachajj sarawajjchi. Ukjjamaw cheqpachapuniij apasiniij. Uka aski jaqinakajj chhichhillankhamaw ukawjjan jiwarpjjani. Qalltaniw mā nuwt'asiwinaka, uka janq'o jaqinakampi uka ch'iyar jaqinakampi,

wastataw nuwt'asipjjāni ukat jiwarapjjaniw chhichhillankhama. Ukat taqe ukanak tukusjjani ukhajja, ħkunas jumatakijj utjani? Walja jaqi jiwatanakaw utjani.

72 Ukawjjan sayt'anwa mā Faraōn jupajj janiw uñt'kānti Josè waynarujj, jichhurujj ukjjamarakiw. Mā chacharakiw sayt'ijj uka mā juramento lurawayijj ukša—ukša Casa Blanca utāna khititijj juramentop jan phoqkaniti, jupajj janiw juramentop phoqkaniti kunalaykutejj jupajj iyawsiw uka religiōn suman sarnaqañapa. ħkun sisa uka machaq Papa ukajja? Māya—jan ukajj, jupanjj utjiwa pusi yānaka, maynirijj jupajj mayacht'añ muni Protestante ukat Catolico jupanakampi. Ukat kawķir yatiqat jaqirus, Ukaw lurasiañapajj Bibliarjjama, jan wali lurañawa, ukampis Biblianj sisā jupanakajj lurapjjaniwa. Juk'amp nayraqataruw sartañani, uka pachanj Ramsès chachajj Egipto markanj jach'aruw tukuskāna. Walwa ch'amañchasiskāna. Ramsès chachajj janchinjjamajj wal jiltaskāna. Uka Anticristo janchinjjamajj wal jiltaskāna política toqijj. Jupajj niyaw ukša Casa Blanca utankjji, uka religiōn, jupajj taqe jaqinakaruuj ukjjam wakicht'ijj, ukat uka jaqinakajj katoqapjjaniw. Ukat denominacional irpirinakaruuj...Niya sapa iglesianakajj aka markan utjkijj, niyaw ukša confederaciōn iglesianakat ukankapjjijj. Ramsès chachajj jiltaskakiw, ukat taqpachaniw mayacht'asiskijj, ukakiw jupanakanjj utjanijj. ħukat kuns ukanakajj lurapjjanijja? Ukajj lurapjjaniw mā ch'ama, mā laq'o uñtasita kunjjamakanti nayraqatajj.

73 Ukhamajj jichhajj jutaniw mā arknaqawi khitinakati jan jupamp chiqachasiñ munapkan ukhajj, ukjjamarak mā boicot ukaw utjarakini. Ukhamajj ukapachajj sinti jayp'ujjaniw, jumajj niyaw uka chimpunijjtajj, jan jumajj samti, ukhamajj nayajj lurjjaw. Jichhajj jumajj jank'ak lurañamajjiw, Ramsès chachajj jiltaskānwa. Ukhamajj amtapjjam kunapachatī Ramsès chachajj jiltaskanjja ch'amamchasiskāna Egipto markanjja, Dios Awkinjj utjanwa Moises profeta ukša wasar toqina. Jupajj jiltaskarakinwa, Ramsès chachanj utjanwa mā político lurawi. Dios Awkinjj utjanwa ajay toqin lurawi mā profeta toqe jank'ak jutañataki markapar parlañataki.

Paypachaniw jiltasipkāna wastatampi, akat mā urunakajj mā ch'ajjwāwiw utjani. Janiw jaya pachakiti kuna pachatijj uka ch'ajjwañajj utjkani ukajj.

74 Kunjjamatī janchinjjamajj—kunjjamti qillqatanakanjj siski...kunakitijj janchinjj ukjjam uñtasitaw ajay toqinjj. Janiw akat qhespiñjamākiti, ukawjjankaskiw, nayranakaman nayraqatankiw. Ukajj cheqapuniwa.

Jichhajj uñtapjjam iglesiaru, anqajjar jawsata, jutasin wali ch'amampi, Qollan Ajayujj saraqtasinkarakiw, Dios Awkin kunati imantatāki ukas qhañanchasiskarakiw yaqañjjam uskt'atarakiw. ħAmuyapjtati? Jichhajj akawjjanjja, jupajj niyaw ukša Casa Blanca ukankjjijj, ukat iglesiajj tantacht'asiskiwa, iAmen! Janiw mā denominaciōn, ukampis ñanqha esclavōñat jithijjtata, jithijjtata Amorreos jupanakata. Mā marka suman qamasiañ...Oh.

75 Dios Awkijj niyaw wakt'ayjjanjja Moises profetarujj, Jupān profetañapataki, Jupajj niyaw ukanakjja arsuwayjjanjja, ukat Jupajj cheqātap uñacht'ayatajjānwa, ukampis Moises profetajj mā wasar toqinwa yatiqaskāna, akapachat imantata. Ukampis jupajj ukša toqinwa yatichatāna, wasar pampan yatichataskānwa. Uñisirijj sistema ukanakampi sayt'asina, jan iyawsirinakajj katoqapjjaniwa, kunalaykutejj uñisirijj ch'ikhi kankañap uñacht'ayijj.

Jichhajj amtapjjam, päyakiw utjijj...jan ukanak armasipjjamti. Pä ch'amakiw utjijj, maynirijj Qollan Ajay ch'amaw, maynirijj Supayan ch'amaparakiw, khititi irnaqki ch'ikhi kankañampi. Uka toqiw jardin Edén toqirujj mantāna. Uka amuyt'ir ch'amanakampi, Eva warmirujj iyawsañapatakijj uka amuyt'ir amuyt'awina Arup jan iyawsañapataki. Ukajj kunjjamti qhanāki ukjjamañapaw; jisk'a wawakas amuyapjjaspaw ukanakjja. ħamuyapjtati? Ukajj ukjjamarakiw tukuyañkamajj utjawayani.

76 Akajj jichhūr alwajj Egipto markankiwa, uka ch'ikhi ch'amajj lurasikiw uka Ramsès toqijj, waytaskiw juparujj uka ch'amajj, jichhas waytaskiw juparujj, jupajj janiw yatkiti kunas suman qamasiañajj ukjjamarak kuntejj Josè waynajj lurawaykāna, ukjjamarak kuntejj iglesiajj lurkāna qalltanjja.

Ukat jichhajj, uka pachparakiw uñjtanjja, mā amuyt'ir ch'amaw iglesianak taypin uñtaski, ukat iglesian p'eqt'iripāñapatakiw sartawayi, khititi jan yāqkiti kunti Biblian siski. Jupanakanjj utjiwa pachpa sistemapa, janiw kunti Biblian siski ukjjamarjjama, jan ukajj kuntijj iglesiapajj siski ukakiw. Ukat protestantenakajj ukaruw mantawāyjjapjji, taqe uka jisk'a tamanakajj akjjam sapjjañapkama...Walikiw cheqakiskiw, nayajj yattwa jupajj akjjam siwa, ukampis nayajj akjjam sañ munta jumanakaruuj, uka urunakajj niyaw sarawayjjijj. "Suma Dios chuymākaspas ukjjamaw tukupjjani, ukampis cheqpach arkañ ch'amapjja apanukupjjaniw" Taqpach qillqat Biblij ukaruw chiqt'ijj.

Jichhajj uñjaptati, ukatapī taqe akanak grabañ munta ukat jaqinakarū apayañataki, uka pachajj niyaw purinjj. Kunakiti cheqajj yatiyatañapaw, uka éxodo niyaw akawjjanki. ħamuyapjasmati? Uka—uka ch'ikhi kankañajj wali sumjjamakiw, cheqjjamakiw, phokhatjjamakiw, ukampis ukajj cheqpach Supayan qhanañchawipakiw.

77 Ukatsti taqi pachana, uka yatiñan Ramses chachajj jank'akiw jiltaskāna uka tronor puriñkāma...Ukat amtapjjam, Moises chachajj uywatanwa Ramsès chachan jilapjjama, ħamuyapjtati? Moises chachan

jilapjjama. Maynirit jupanakajj uka yatiñ kañkañ tronon qont'asipjjañapāna, kunjjamakanti Josè waynampi jilanakapampi. ¿Ukat kuns jilanakapajj Josè waynamp lurapjjānja? Jilanakapajj jaqtapjjanwa uka Aruta, Dios Awkin Arunakapāta. Ukat jilanakapajj jaqsusipjjāna uka Aruru, ukat jupanakajj katoqapjjāna mā credo, ukat jichhajj, uka credojs jiltjjanwa taqe ch'amampi. Ukat Dios Akijs, uñjañap munāna uka jaqinakajj.

¿Kunjjsamsa juk'amp qhana parlistari? ¿Kunjjsamsa Qellqatanak toqijj juk'amp sum qhanañchsna Qollan Ajayun amuyt'ayatapata akawjjana? Oh, inas jumanakajj sapjjasma, walikiw ukanakajj, sitejj ukanakajj arsutāspa uka Papa Juan toqijj, o inas yaqha Papanakata, o inas uka Obispo toqis o khitispa...¿Dios Awkijj mā jisk'a jan yāqañjjam wasaran jakasir jaqir apt'atap uñjtati? Sapjjanwa, ¿Kunjjamatsa taqe kunas jan walispa? Dios Awkijj mā profetampikiw parlāna janiw tamanakampi, jan ukajj mā jaqimpi. Dios Awkijj jawsankānwa...Jupajj jawsaskānwa Jupān...Uka sapakiw Jupatakijj utjāna waytasiña mā profeta khitimpi Jupajj irnaqañ munāna. Ukakwa Jupajj munāna, mā sapa chachaki.

78 Jupajj ukjjampinwa sapa edad ukanakan lurañ munāna. Sitejj Jupajj waytasinjja mā chachjja, Jupajj mā chachwa waytasinjja Noè urunakapanjja, mā chacha Elías profetan urunakapanjja, mā chacha Juan Bautista urunakapanjja, mā profeta, ukakwa Jupajj munānjja. Uka Jueces urunakapansa, Jupajj mā chachakwa waytasinjja, mā Sansòn khitiruti ch'amap churkāna, ukampis Sansòn chachajj churawayjjānwa mā warmiru jukhuptañkāma. Jupanakajj Jueces ukjjamapjjānwa, janiw ukjjamañapakanti, Dios sapakiw Juez. Jichhajj ¿amuyapjtati?

¿Jichhurunakanjj uñjaptati?, Jupajj mā chachwa jikjjatañataki ch'amachasi, amparapatwa waythapiñ munijj uka chacharujs, sañataki cheqanakapa, uka chachajj arsuspa jan ajjsarasa, jan kawkharus sayt'asispati, jan mā dogmatico ukjjamaspati, mā jaqi amparanakapat katjjaruñataki uñacht'ayañapataki Arupajj jakaskatāpa, ukat jupas jakaskarakitāpa.

Nayajj amuytwa Jupānj n yaw utji uka chachajj, ukjjam nayajj amuyta, ukjjamarakiw i yawsta ukanaka. Nayajj uk i yawstwa taqpach kunti Bibliajj siski ukjjamarjjāma. Jupajj ukanak katoqaspānwa, ukajj cheqakiskiwa, khitiijj cheqpach arsuspa.

79 Mā qhawqha pachanakatjja uk amuyjjapjjayātwa, taqe uka yatiquañ utanakan sarañ tukuyasajj...Jichhajj amuyapjjam, uñisirinakajj kuns amtapjji, ch'ikhi amuyt'irinaka, kunalaykutejj uñisirinakajj ch'ikhiñ toqitwa irnaqapjji. Ukat amuyunakajj mayjtt'ayapjjaniw yaqha kasta ukat sapjjani, jichhajj suyt'apjjamchha mā juk'a, ¿Janit ukajj mā concilio ukjjamaki?

Mā urujj mā chachampiw parlaskayāta, ukat jupajj sāna, uñtamchha Billy, jupajj irnaqiw ukxa Servicios Públicos Empresana, mā suma jaqi. Ukat jupajj akjjam sāna, nayajj may jist'asiñ munayata jilata Branham, ukat jupajj sāna, jilata Branham jumajj Irlandes ukjjamatati. Ukat nayajj sayāta, jīsa tāta, saskakiyātwa, uka toqitjja mā juk'a phinq'asiraktwa, ukampis taqe ukanakatjja, Nayajj ukjjamatwa. Ukat jupajj sāna...walikiw jupajj sāna, ¿Janit jumajj uk yatka, jumajj cheqpachansa mā Católico ukjjamañamawa. Ukat nayajj sayāta, ukajj ukjjamapuniw, nayajj mā cheqpach Católico ukjjamatwa. Jumanakajj yatipjttawa, qallta iglesiajj Iglesia Católica ukjjamanwa. ¿Jichhurunakan kawkirus purt'i uk uñjapjjtati? Ukajj qalltanwa ukxa Pentecostes, ukampis uka organizacionaw uskt'awayi kawkhankiti jichhajj. Uñtapjjam Pentecostal jupanakaru, kutt'anipjjanwa tuk'tañataki mā organizaciōn ukaru, ukatsti nayrīr Católica iglesian lurāwinakap lurapjjāna, ukat jichhurujj jupanakajj wali jayarst'atapjjjiwa, kunjjamti jupanakajj—kunjjamti niya pā waranqa maranakaw; ukat phesqa tunka maranakan niyaw jupanakajj uka cheqar puripjji.

80 Ukat jupajj sāna, ¿janiti jumajj amuykta, khitinakati uka tamanakatj Ecuménico amuyunipjjjiwa, (ukajj amuyapjjam) Jupanakajj jikisipjjjiw ukat kuns amuyt'apjjjiw, taqpach jupanakatj mā sap amuyunipjjjañapakiw, janit jumanakajj amuyt'apjjta jupanakajj mā juk'a...? Ukat uka jilatajj sāna, ukatapī nayajj jutta jumar ist'añataki, saskakinwa, ukatapī nayajj janiw jumamp chikachasiñ munkti. Ukat nayajj sayāta juparujj, mā thakikiw utji jan iyawsāwimajj ukjjamakchi, ukjj Biblia toqiw uñacht'ayañamajj. Ukat jupajj sāna, Bibliajj janiw uka toqit kuns lurañapakiti. Ukat nayajj sayāta, inas jumatakijj jan ukjjamakchi, ukampis nayatakijj taqe kunwa uñjañapajj. ¿amuyapjasmati? Ukajj Arupawa.

Ukat jupajj saskakinwa, ¿janiti jumajj amuykta mā tantachat tamajj ecuménico amuyunipjjatapa, ukat cheqāppjjaspa, juk'amp sum amuyt'apjjjaspa taqe ukanakajj cheqāskatapa, ukat jumajj jan suma yatjjatat jaqit sipansa? Ukat nayajj sayāta, ukhamajj walikiw...Ukat jupajj sāna, ¿Kuna lurañamas utji uka Obisp—kuns arsuñamataki o kuns arsuñamas nanakan—nanakan iglesia toqi? Kunapachati utjāna, ukxa edades toqinakana, kunapachati jupanakan utjāna uka qallta Concilio Iglesianakata, kunjjamati jumajj parlaskayāta mā jayp'u arumajj, nanakajj ist'apjjtwa taqe ukanakjja, ukxa edades iglesianakata, kawkhanti tantachasisipki Concilio Ecumenico ukxa Nicea toqina Roma markana, ukat jupanakajj lurt'apjjāna Iglesia Catolica Romana. Saskakinwa uka jaqijj, ¿janiti jumajj yatkayata ukawjjanj utjanwa waranqana ajay toqin jaqinaka, walja jaqinaka Dios toqit khitanita ukxa Concilio toqiru? ¿Ukat jumajj janit amuykta amuyunakapas Dios toqiru juk'amp munañap uñt'añataki, kunati juman utjki ukat sipansa, Dios Awkijj pā waranqa maranakaw aka iglesiajj cheqaw satapa uñacht'ayawayi?

81 Ukat nayajj sayäta, "Jupajj janiw kuns uñacht'ayawaykiti" Saskakiyätwa, "Sitejj iglesiajj Dios Awkin iglesiapachijja, uñjañani kunjamsa qallta iglesiajj uka pachanakapan luräna. Uñjañani kunti qalltan lurapkäna ukanaka" Kunapachatī Bibliansa akjjam siski, "Ni mä jisk'a arusa, ni mä jisk'a qillqatasa pantaskaspäti" Ukat jupajj sänwa, "Qhititejj apaqani aka Libron qillqataki, o yapjjatanis mä aruksa Aruparujja, jupajj apaqataniwa uka libropatjja, sitejj akajj Concilio Ecumenico ukachijja o kunaspasa, "Uka Jakañ Librotjja, Jupajj niyaw tukuyatajji"

Ukat jupajj säna, jilata Billy, Jumajj pantjjasitatawa. Ukat nayajj sayäta, ukhamajj nayajj amuytwa, Israel markan jach'a kankañapanjja, kunapachatī jupanakajj jichhürunakan jitiqtawajapjji kunjjamati protestantenakajj Católicos ukanakajj lurawayapjijj, Israel markajj munanwa Israel markañäki. Ukampis nayajj sayätwa, jiwassajj amuytanwa jupanakajj mä reyiniipjanwa Josafat sutini, mä chiqapa jaqi, khitiiti yant'ana uka—uka—Dios Awkin kamachinakap imaña, ukampis jupanakanjja utjarakinwa yakha chacha Acab sutini, khitiiti jaqinch'tasina mä warmimpi, política toqe, yaqha markamp mayacht'asiñ yant'asa ukat mä phuchapampiw jaqicht'asina, Jazabel sutini, ukat apanina uksa Dios Awkin markaparu. Uka pachwa jiwasanakajj lurastanjja, apantasina aksa manqharu...Ukat uka warmijj tukt'awayjjanwa mä p'iqinchiri irpiri. Acab chacharujj sänwa ak luram, khayrak jichhajj luram sasina. Jichhürunakanjja uka pachparakiw lurasipkiijj, ukat nayajj sayäta, Uka ch'ajjwawijj jutaskiw, jupanakajj päypach iglesiaruw mayacht'añ munapjjäna, kunjjamti jichhajj lurañ yant'apki ukjjama. Ukasti Acab chachajj ukjjamarak Josafat chachas, uka organización chachajj sänwa, "Jisa, ukajj sinti askispäwa sasina. Markamajj nayan markajjaw, taqiniw cristianutanjj sasina. Taqiniw iyawsiritanj, mayacht'asjjanäni. Ukampis kunapachatī uka ch'ajjwañajj purinjanjja, jupajj sänwa, ¿janiti jiwasanakajj mä oración toqiru mantayaksna? Jiskt'añani Dios Tataru.

82 Ukat jupajj säna, Jisa sänwa Acab chachajj, ukhamajj jupajj sänwa, nayajj kunsä lurañama uk yatiyämaw, sarañani jikjjatiri Dios Tatän profetaparu. Ukampis, ¿amuyapjasmati jumanakajja? Acab chachanj utjanwa mä sistema, jupajj amuyanwa taqe ukanakajj jutatapa Dios toqita. Ukat jupajj säna, "Nayanjj utjituwa pusi tunka profetanaka, wali sum yatjjatatanaka ukjjamaraki yatichatanaka, ukat jupanakajj sapjjarakiw nanakajj Hebreo profetanakapjjtwa, kunjjamti jichhürunakan ministerial tamanakajj lurapki ukjjama.

Ukat jupanakajj irpanipjjänwa, ukat jupanakarujj mä jiskt'äwiw jiskt'äna kunjjamaskis uka—uka nuwt'asiwijj. Ukat sapa mayniw jupanakat tanthaptapjjäna mayacht'asiñataki, kunjjamati jichhürunakanj lurrkijj uka Concilio Ecumenico, ukat taqiniw jupanakat mä amtar puripjjäna, "Makhataskakim Dios Tatäjj jumampiskiwa, kunalaykutejj uka oraqujj cheqpachapuniw jiwasanakanki, ukat jaqonukum uka Sirios jaqinakäru ukjjamaraki Filisteos ukanakarus. Jaqsum jupanakaru, kunalaykutejj uka oraqujj jiwasanakankiw. Ukajj wali amuyt'atjjamawa, ¿amuyapjasmati?

83 Ukampis Josafat chuymapansti, janiw sumakänti, ukat jupajj säna, nayajj yatiraktwa jumanjj utjatapa uka pusitunka ministros Ecumenicos wali sum yatjjatatanaka, ukat jupanakas taqpachaw mä sap amtakipjji, jupanakas fierrot wajjranak lurasipjjäna ukat sapjjarakina; "Akjjam Siw Dios Awkijj" Ukampis, ¿Yaqhanakar jiskt'asnati? Jupajj sänwa, Jan ukjjam parlasmati oh Rey sasa, uka politicojj sarkinwa, Jan ukjjam samti oh Rey, kunalaykutejj uka jaqinakajj yatichat jaqinakäpjjjiwa. Naya pachpaw jupanakar yatichawayta, ukaw, ukaw, naya pachpaw jupanakar yatichawayta, ukampis maynimpw utjaski, nayajj walipuniw uñista juparujj, ¿amuyapjati? Jupajj sänwa, ukajj Micaías Imla chachan wawapaw, ukampis jupajj sänwa, nayajj wal uñista juparujj. Jupajj mä kulirir chachaw, jupanak taypinjj janiw kunas juk'ampikiti. Jupajj sapa kutiw jupanakar arnaqaski. Jupajj sapa kutiw situ pantjjatataw sasaw, uñjjam markajja. Jisa, uñjjapjjam, Uñjjapjjam kuna jan walt'äwins jikjjatasina.

84 Uñtapjjam denominacionaparu jichhurujj, "Suma chuymäkaspas uqhamaw tukupjjani, ukampis janiw katoqañ munapkaniti" Oh, inas mä millón juk'ampi utjiristam, waranqa ukampis, ukat jaqinakamas wali yatitchsuta, ukampis, ¿Kawkhankasiptasa jumanakajj Ajay toqinjjä? ¿Kawkhankisa ch'amamajja? ¿Kawkhankansa Sansòn chachajj kunapachatī jupajj sayt'asina akawjjänjja, kunjjamati sasipkasayma pasir urunakajja? Taqe jach'a luratanakapampi ukawjjanjja, ukatsti sapa ch'amapa ukawjjana, ukampis jan jakañani jupa pachpana. Qollan Ajayujj juparujj jaytawayjjänwa, Sansòn chachajj janiw ch'amanijjanti. Mä jisk'a wawaw juparujj irpnaqäna, juykhu, mä warmi layku. Kunjjamakiti jichhurujj iglesiajj, irpata uka política toqe, Obispos, Awkinaka, taqe kunayman yänakampi. Chachanakajj kuns jikjjatañatakijj kuns lurapjjakiw, ¿Kawkhansa jikjjatastanjja?

85 Ukhamajj aka cheqar purisajj, jupanakajj khitapjjänwa Imla chachar irptaniñataki o uka—janiw Imla chacharu, jan ukajj Micaías chacharu, Imla chachan wawapa. Khitapjjänwa uka irptanipjjänwa, ukampis jupajj profetizanwa jupanakar sasina, Acab chachajj jiwaniw sitejj jupajj makhatäni uksa alay toqirujj. Ukat uka Arsobispojj lakapat th'ajjllitatäna, jupajj cheqakwa saskäna. Ukat uka jaqijj sänwa, ¿Kawkirus Dios Awkin Ajayupajj nayar jaytanukuwayjitu, ukat jumar parljjayañataki? Ukat jupajj säna, anchhitaw uñjitata. Ukat jupajj säna, katuntapjjam llawintasina, carcel juk'amp manqharuw uchapjjäta, t'aqhisin t'ant'a churapjjarakim, ukat t'aqhisin umampiraki, ukat sumankañamp kutt'ankä ukhajja, ukat säna, nayajj aka jaqimpiw ch'ajjwä. Ukat Imla chachajj Dios Awkimp cheqapar sarnaqatap yatisajj, ¿kunata? Jupan visionapajj uka Arupampiw chikañchasina. Jupajj mä profeta ukjjamanwa, ajayupasa uñjäwipasa Elías profetamp chikapuniw utjäna. Ukat jupajj säna, Jumatijj kutt'anjjätajja, ukhamajj Dios Awkijj janiw

nayamp parlkiti.

Ukat nayajj sayäta uka chacharujj, ðkhitis cheqatayna, uka Concilio Ecumenico kawkhanti uka ajllit pusi pataka jaqinakajj qont'asipkäna mayaki, jaqinakan ajllitaki, jan ukajj mä kulirasir jaqicha jan yäqañjam Dios toqit ajllita? Ya, walikiw sasaw jupajj säna, ukhamajj, ðkunjjamatsa uka mayjtt'äwi yatta? Ukat nayajj sayäta, kutt'am kunati cheqaki, ðKunjjamatsa mä uta lurañ yatsna janiti mä plano utjaspa ukhajja? Jupanakati mä juk'a sayt'apjjaspäna ukhajja, ukatsti Elías profetar jikjjatapjjaspäna, kunalaykutejj jupajj maldicinwa Acab chacharujj, ukat säna, "Anunakaw wilamjja jallk'apjjäni" Ukajj phokhasinwa. ðkunjjamaraki jupasti bendicispansti kunati Dios Awkijj maldiciwayjji ukjja? ðKunjjamsa Dios Awkijj maldiciwayki ukj bendicisma? iMistunipjjam taqe ukanakata, jithiqtapjjam ukanakäta!. Jutapjjam Jesucristuru. Amen.

86 (Jan arsut arunaka. Qillqiri.)...Wakt'ayasipjjam, amuyt'ir amuyunakajj ukajj cheqawa sasaw sapjjaraki. Ukawjjanwa aka wali munat jilatajj jikjjatasina, aka chachajj sänwa, uñtasiw mä...uñtam aka, jumajj yattati sitejj jiwasanakajj mayacht'asna mä sap iglesiaki ukhajja, ðJanit jumajj amuyktajja wali askispawa mayakisna ukhajja jan akjjam jaljtata kunjjamasktanti jichhajj? ðJanit ukajj askispa, sitejj taqe Protestantes Catolicos mayacht'asispa ukat purapat mä amtar puriñkama? ðUkampus kunjjamarak paninist sarnaqaspasti, jan purapat mä amtar puriñkama? ðKunjjamarak jumasti, sarnaqasmasti mä tamamp jan iyawsapki qollasiñ toqita, maynijj saspaw nanakajj iyawsapjjtwa, maynijj sarakispaw khaya jaya urunakan lurasina ukanakajj? Mayninakajj janiw ni aka Bibliarus iyawsapkiti, Ukat ukanak mayachthapisinjj, ðkunas jumatakijj utji? Dios Awkinjj janiw jan walt'ayasiñanak utjaykiti. Janir Dios Awkijj iglesiapar sum askichkasajja, jupanakajj suyt'apjjänwa tunka urunaka tunka amrumanaka, ukat kunapachati jupanakajj puriwayjjapjjäna mä sap amuyurukijj. Ukapachaw saraqtaniina Qollan Ajayujj jupanakar irpañatäki, jnaiw mä Concilio Ecumenico ukarujj. ðAmuyapjjasmati? Nayajj suyt'askaw jumanakajj uk amuyapjjajamataki.

87 Amuyapjjam, ukajj mä jan iyawsiriw, Dios Awkin Arupar jan taqe chuyma iyawsiri, khitinakati jan amuyapki kunti Arupajj siski, ukampus jupanakan amuyt'anakaparuw chuym churapjje...ukjjamarakwa Eva warmijj luräna khaya qalltanjj. Jupajj amuyuparuw sayt'asina. Supayajj sänwa, uñtanimchha akawjjaru, ðJanit ukajj amuyt'añaki? Nayajj yattwa uka arujj akjjam siwa, ukampus suyt'am mä juk'a pacha, ðJanit jumajj askinak ukjjamarak jan walinak juk'amp sum yatjjatasma? A walik sänwa Eva warmijj...ukat jupajj uk aptäna, cheqapunbiw, ukjjamaw jupanakajj amuyt'apjjäna.

88 Jichhajj, jan iyawsäwijj amuyt'asiñaruw saranijj, ukampus cheqpach iyawsawijj janipuniw ukanak llamt'kaniti. Awkisatakijj ðjanit amuykañakpachänti, jupaw iyawsäwisan awkisaw Abraham, khitinakati Jupan wawanakapatänwa Cristo toqe, janiti amuykañakpachänjja kunapachati mä warmijj khititi niya paqallqo tunka phisqan maranijjäna, khitimpiti Abraham chachajj qamäna kunapachati jupajj mä tawaqokäna ukjjatpacha, jupajj janiw wawachirjjamakänti? Ukat kunapachati jupajj niya pataka maranijjäna o jan ukajj niya llätunka tunka, ukat Abraham mä pataka, janiraw utjkanti mä wawajj, janiw amuyañjjamakänti...ukat uka qollir chachanakajj ukjjamaraki científicos jaqinakajj Sara warmirujj walwa uñakipapjjäna, ukat sapjjarakina, aja, walikiw ukampus matrisapajj wañsutajjiwa. Uka venan ñuñunakapas wañsutajjarakiw niya pusi tunka maranaka. Chuymapas uka tayka maranirujj, janiw sum wawachasjjaspati, taqe ukanakajj jaqin amuyunakapakinwa. Ukampus Abraham chachajj janiw ukjjam amuykanti, Abraham chachajj janiw pachaskänti kunalaykutejj ukjjam Dios Awkijj arsuwayanjja. Taqe jan iyawsawiru, jupajj janipuniw pachaskänti, janiw khitirus yaqkanti, kunalaykutejj jupajj—jupajj iyawsanwa kuntejj Dios Awkijj siskanjjä ukat lurañapanjjä ukanakarujj.

89 Jichhajj, ðkawkhankapjjisa Abraham wawanakapajj jichha alwatajja? Jumanak ministros khitinakati ajjsarasipta, khitinakati ajjsarasipta jaqsutaña ukxa thaki toqinakar, ukat mayjjasiñataki uka t'ant'a uka uma, sitejj jumanakajj mistunipjjäta ukxa Babilonia toqita, ðkawkhankisa iyawsawimajja? David chachajj sänwa, Nayajj waynaskayätwa, jichhajj awkiptawayjjtwa. Janipuniw mä aski jaqirujj t'akhisir, o jaqi masiparus t'ant'a mayisir uñjti. Jan ajjsarapjjamti, Cristot jan jitheqtapjjamti.

90 Ukampus jan iyawsañajj amuyt'asiñwa katjaraki, ukaw qalltanjjä lurasina...jichhajj, ðamuyapjtati? Jan iyawsañajj amuyunakaparuw sayt'asi, jichhürunakan utjki uka yänaka. Cheqpach iyawsañajj janiw ukanak lurkaniti. Iyawsañajj uñtiwa uka Aruparu; ukampus iyawsäwijj uskt'ataw jan onjjtir Qalaru, Dios Awkin Wiñay Aruparu. Amén. Iyawsawijj janiw uñch'ukkaspati amuyunakaru. Janiw nayajj qhawqhas uñacht'ayaskam ukj yäqkti o kawkiris juk'amp askispa; sitejj Arujj sanijja, "Janiw" ukjjaruw iyawsawijj sararijj. Ukaw iyawsäwin cheqpach samarañ utapajj.

91 Jumanak Luteranos jichha alwatajj nayajj jist'añ munapsma, ukjjamaraki Bautistas, ukjjamaraki Cätolicos, ukat jumanakaru, o khitiskamsay jumanakajj, jumanak denominacional jaqinaka aka oraqpachana, ðKunjjamsa denominación iyawsäwim uchasma kunapachati Arump jan walt'ayaski ukhajja? ðkunakast iyawsawis jumanakan utji? Jumajj amuyt'añ ch'amanikitawa janiw cheqpach iyawsäña. "Kunalaykutejj iyawsäwijj ist'añan toqi jutijj." ðjan ukajj Concilio Ecumenico toqikcha? ðJumajj kunapachas sasmati...? Walikiw ukjja, näyra mamanan mara phokhir almanaque ukanwa jikjjatasma, ukampus janipuniw Dios Awkin Arupan jikjjatkätati. "Iyawsawijj jutiw ist'añ toqe, Dios Awkin Arupa st'añ toqe" Amen.

92 Khiti jaqis uka contrajj kuns arsuspa uk yatiyapjjitchha, ukat sarakispa ukajj Dios Awkin Arupaway, ist'apjjam, "Alajjpachampi akapachampiij tukusiniwa, ukampis Arunanakajjajj Janiw tukuskaniti" Iyawsäwiji samarañ santuario Arupanwa jikjjati. Uka Wiñay Qala patjjaruw uskt'asi, Jesucristo, cheqpach Aru, ukawjjaruw sarijj samart'añataki. Thayanakajj wararipjjpan; thayanakas khathatipjjpan; jupajj wiñayatakiw sumankani. Uka Arunwa ukawjjan samart'i. Ukawjjanwa kawkhantijj iyawsäwiji, cheqpach Cristianon iyawswipajj samaraski, Samart'añ cheqajj Arupawa. Uk jupajj sum yatijj kunakitejj Dios Awkijj juk'amp jilirĩtap uñacht'ayasiniw, sapa mayni uñisirinakaparu. Jan wali sumakchisa, jan ukas qawqha uñisiris mantani, jan ukas kunjams uñisirinakajj uñtasipjji; taqe jupanakajj tukjjatajjiwa, ukampis uka iyawsawijj yatiw ukanakjja.

Jichhajj jumanak khitinakati usutaphta, Oh, Kunjjamsa nayajj aka arunak jumanakar mantañap munta, kunapachati jumanakajj waythapipjjäta uka iyawsawi, jumajj qollataw jikjjatasjjäta, sapa—sapa jan walinaka, o kunaskpansaya, taqe uñacht'awinaka, taqe jan walinakas inas uñacht'ayaspa niya jiwirjjamajjtaw, janipuniw jumajj onjjtatati.

93 Jupan samarañ utapajj Dios Awkin Arupan santuariopankiwa, kunapachati uka iyawsañajj, cheqpach iyawsäwiw ukan utt'ayasi. Jichhajj janiw mä jan wali ukjjamäkiti, jan ukajj cheqpach iyawsäwi, janiw mä suyt'äwikiti, jan ukajj cheqpach iyawsäwi. Suyt'awijj akankiwa manqhar mantañwa suyt'aski. Iyawsäwiji niyaw manqhankjji, uñch'ukisina anqajj toqiru ukat sasina, "Luratawijja ukajj" ¿amuyapjasmati? Ukaw cheqpach iyawsawijj. Ukawjjanwa iyawsäwiji samart'ijj, kunalaykutejj Dios Awkijj yatiwa ukajj janipuniw, janipuniw uka uñisirirujj jupa patjj sarkaspati. Jupajj janipuniw ukanak luraykaspati. Iyawsäwiji yatiw taqe ukanakjja, ukhamajj, janiw yaqkiti kunjamsa taqe ukanakajj uynaqaspa...

94 Nòe chachajj yatinwa uka Arcajj tuytawayaniw uma patjja, ukjjamapuniw apasinjja. Daniel chachajj yatirakinwa Dios Awkijj jist'antañapänwa uka leonan lakanakapa. Uka kimsa Hebreo waynanakajj yatipjjänwa Dios Awkijj sayt'ayañapänwa uka nina aqaskiri. Jesucristojj yatirakinwa Dios Awkijj jaktayañapa juparujj wastatampi, kunalakutejj ukjjam sänwa Arupajj, "Jumajj janiw jiwar katjaruykitäti, janirakiw arkiriman janchips ñusantañaps munkäti" Jupajj yatinwa corrupción ukajj paqallq tunk payan orasanakan qalltijj. Ukat Jupajj säna, "Nayasti kimsürunwa machaqat sayt'aya" ¿amuyapjtati? Jupajj Wiñay samarañ Dios Awkin Arupan santuario ukawjjankänwa, ukat ukawjjan qhiparäna.

95 Amuyañajj taqe ch'amampiw uñt'añatak ch'amachasini...ukhamajj walikiw, Cheqansa aka sistemajj juk'amp askiniwa. Akajj ukapuniwa. Akanakajj sumakjjam uñtasik jumanakatakijj, kunalaykutejj uñtasiptawa uka ch'ikhi amuyunakampi, jumanakajj amuyt'asiñ yant'apjjasma. Ukampis janiw iyawsäwiji uñacht'ayañjjamäkiti; ukampis sitejj jumajj uñacht'ayasmajj, ukajj janiw cheqpach iyawsawikiti. Ukampis iyawsäwiji Arumpi arsutampikiw yatijj, ukat akajj kunatijj jan uñjataki ukaruw uñtijj. "Iyawsañajja, katoqawa sas taqe chuymampi suyt'ktans ukawa, ukjjamarak cheqpachapuni iyawsañasa kuntejj jan uñjtan ukajj cheqäta" Jumanakajj janiw amuyt'apkasmati, nayajj kunjamsa lurasini ukjj janiw uñacht'ayapkirismati. Kunjjamsa lurasini uk janiw yatkti. Janipuniw yatkti, ukampis nayajj yawstwa. Ukjjamäta nayajj yattwa, kunalaykutejj ukjjam sänwa Dios Awkijj, ukampijj tukuyatawa. Ukatwa nayajj akajj cheqäta yatta. Nayajj yattwa Arujj cheqäta. Nayajj yattwa aka mensajejj cheqäta. Kunalaykutejj akajj Arup manqhankiwa, ukatsti jakkir Dios Awkiruw uñjta onjjtasiskiri jiwasanakampi taqe akanak uñacht'ayañataki.

96 Jiwasanakajj mä éxodo ukanktanwa, ukajj cheqapuniw. Jiwas janiw khathatiykaspati uka iyawsawirujj. Mä jaqitijj sayt'ataspa uka... jiwañ toqinjja—ukawjjan jupajj saykataspa uka jiwirujj, ukat jach'at arsuspa atipt'ataw jiwajj. Pablo chachajj akjjam sänwa; "Jiwa ¿kawinkaraki atipjir ch'amamasti? Jiwa ¿kawinkaraki mich'imasti? ¿Amuyapjtati? Kunalaykutejj Cristojj jakatatawayjjiw, ukat khitinakati Cristompiki jakatatappjaniw Jupampi kunapachati jutkäni uka pachajj. ¿Jichhajj amuyapjtati? Janiw ukanakajj mayjt'kaspati. Jisa, Iyawsäwiji Dios Awkin Aruparujj wiñay samarañ utaruw tukuyi, uka iyawsawijj ukawjjaruw qhiparijj Dios Awkin Aruparu.

97 Amuyapjjam jichhajj...jichhajj, mä juk'a pachakiw utjistu, pä tunka phisqani orasakiw utjistu, sitejj jumanakajj—jumanakajj jan yaqapkatäti akanakjja, nayajj—nayajj muntwa sartaskakiña nayraqataru. (Taqpach jilatanakaw sapjji. Amen. Qillqiri) aka cintampi, mä juk'a pachanaka.

Uñtapjjam aka Rey chacharujj, mä machaq Rey khititi jan uñt'katayna Josè waynaru, ¿Israel markan ch'amap tukjjañatakejj kunsä nayrĩr amtapanjja? Jupan wawanakapampinwa. ¿Ukajj ukjjamapuninti? (Taqpachaniw sapjji. Amen. Qillqiri) Jupajj wawanakaparuw tukjjañ munäna. Jichhajj sum ist'apjjam. Uka Supaya, yaqha kasta monarquía ukanjja, Dios Awkin sapa Yoqaparuw tukjjañatakiw ch'amachasina. ¿Amuyapjtati? nayraqatajj wawanakar jithiqtayañataki, janir qalltkasina. Supayajj cheqpachansa wali ch'ikhiwa mä k'ari jamach'iwa. Jupajj janir qalltkipanjj yatiw kunjams lurasajj, jupajj wali sum yatijj. ¿Amuyapjtati? Ukat ukakipkarakiw jumanakajj jupar atipt'añatakijj, Cristo saparukiw iyawsapjjajamajj, jisk'ar tukt'aña ukat jupaw irpapjjätam jumanakaru. Janipuniw jumanakajj yaqha toqit lurapjjatäti. Juman amuyt'asir ch'amanakamajj janipuniw uk lurapkaniti. Jumanakajj iyawsapjjajamaw, Juparuk suyt'apjjam. Jupaw uka awatirisajj. Janiw iwijjanakan luräwipakiti uka tiwular jayarst'ayañataki, Awatiriw ukanakjj luraskanijj. Ukampis iwijjanakajj Awatirimp chikapjjajamaw ukjjamat jan kunas ukjjañapataki. Ukaw

nayan suma jikjjatasifñajj, ukajj Cristonkiw, Cristow uka Arujj. Ukawjjan nayajj samarajj.

98 Jichhajj uñtapjjam, Supayajj Ramsès chachjjam uñtatänwa, mä rey...NayrİR luratapajj janchi jiwamp wawanakar chhaqtayañanwa, Dios Awkin Yoqap yurkäna ukhajja, jupajj Egipto markat mistuwayjjänwa, kunalaykutejj Dios Awkijj tukkhanwa Egipto markarujj, maldicinwa ukat janipuniw wastat sartkänti. Ukat jupajj Roma markankänwa, ukat Supayajj onjttayanwa uka—uka qonuñapjj Roma markaru. Nayraqatajj Roma markax taqe kun t'unjañatakiw luratayna, cheqaparu yatiñatakijja, ukat Supayajj Romanonakan amtawiparjjamaw t'unjañataki ch'amachasİna, İKuna? Dios Awkin wawaparu, qalltañatakijj uka pachpa Supayanwa.

Ukat jichhürunakanjja ukjjamarakiw ajayun chimpupampijj lurawayijj mä Cristianur uñtasita. Cristianöpjjtwa sasina, ukat jiwasan tawaqonakasar irptasa Católicos waynanakampi jaqichasisa, ukat jupanakajj Católico wawanakapar apanipjjañapatakiw lurapjjı maynin ch'amap p'akintañataki. Ukajj jumanakan Supayanakamajj, Ukajj Supayamajj paqallqo qollunakan qont'ataski, kimsa coronampiw isthapt'ata. Wali ch'ikhi sallqantiri, jank'ak onjttiri, wali yatiñäni kunjjamakantı uka katarıjj, Katarin jathapa, wawanakapajj uka pachpa ch'ikhi kankañampi apnaqapjjı...

99 Uñtapjjam, ukatsti mayni pä kutiw wawanakar jıwayapjjänwa. Jupanakajj jıwayapjjänwa wawanakaparu, İkunampi? Pä kutiw...jichhajj ampatjjam, uñch'ukipjjam uka päya ukat uka kimsa. İamuyapjtati? Jupajj nayrİR pä kutıjj wawanakaruw janchi jıwañampi jıwayatayna. Ukat aka qhepa kutıjj, jichhajj jupajj wawanakar apjjarusınjı ajay toqin jıwañampiw jıwayaski, jaqichasıñampi jarqhantasa. İJanitı Daniel chachajj siskäna aka reinonjı ñeq'ımpi fierrompi jarqhantataw, jupanakajj jarqhantapjjañapänwa uka jathanakjja, maynır jaqinakan ch'amap p'akintañ yant'asa ukat ukjjam jupanakajj lurasipki? Ukat jupanakajj uka yänak katoqapjjänwa; ukat jichhajj jupanakajj mä p'iqinchirınipjjıwa, Jichhajj jutır lurañajj mä Cardenal ukar uchañawa, uchaña taqpach jaqinakaru, ukjjarusti, İkuns jumanakajj lurapjjäta?

100 Jutır kuntı lurapkäna ukhajja, jupanakajj aptapjjänwa uka qollqi ukat—ukat churañataki kunatı manukäna Estados Unidos markajja, ukat iglesiatwa mayt'asina, ukat jichhajj jumanakajj aljjatapjjtaw. İamuyapjtati? Jichhajj, jiwasanakajj—jiwasanakajj jakastanwa jichhurujj, anqäjj markat manunakas phokhastanjı, impuesto qollqımpi ukajja janiwa payllatäkaniti pusi tunka maranaka pasañapkama. Janiw jichhajj qollqıjj utjıstuti, ukampis iglesian utjiw qollqıjj, İJanitı Biblias siski, uka warmıjj qorımpiw k'achacht'atäna? Oh, jılatanaka...ukampis jumanakajj Ukjjamaw ukanakajj irnaqaski. İamuyapjtati? Phuchhanakaparuw jaqichranti, phuchhanakaparuw yoqanakamampiw jaqichranti, uywapjjıwa uka Catolico wawanakaparu, taqe ukanakajj ukjjamapuniw, ukatjj jıwayapjjıw ajay toqınjja. İJanitı Biblianjı siski, Jupajj jaqtaniw uka warmıruw mä iqiñ ñankha patjjaru, ukat jıwayaniw phuchhanakaparuw uka jıwañ ajay toqına? Ukjjam sıwa Apocalipsis 17: İAmuyapjtati? Taqe akanakajj Arukiskiwa, nayajj janiw kuns yaqkäti kawkharus jumanakajj sarañ munapjjtajj, ukampis taqe ukanakajj Arukiskiwa. Ukajj uka uñacht'äwir sum mantañapawa, janitı ukjjamakäni ukhajja, janiw uka Arukitı, janiw uka Arukitı. Janitı jumanakajj taqe akanakjja Bibliarjjam apapkäta ukhajja, ukhamajj pantjjatawa.

101 Jichhajj uñtapjjam aka pachanjja, Dios Awkijj wakt'ayanskänwa uka wawaparuw Jupan munañap lurañatakıjj, wakt'ayaskänwa jan jupanakan uñjjkäya, amtanakapats wali jayäna jan walinakatsa ukjjamaraki. İAmuyasıptati jumanakajja? Wali jayäna uka organización sistematsa, Dios Awkijj yatichaskänwa mä chacharu Jupan lurawınakapataki. Jupajj sarantaskakiñapatakiw jaytäna juparuw.

Jaytarakınwa jaqichasıñapataki uka warmipampi ukjjamarak wawaniñapataki, mä wawa Gersön sutini... Jupajj jakasiskänwa mä suma aski jakäña, ukawjjanwa jupajj bendicita uñjasİna. Ukampis taqe orasanwa, Jupajj wakt'ayaskäna ukjjamarak yatichaskarakınwa. Dios Awkijj, uñsiripampıjj uka pachpa janchın ukjjam lurapjjäna, kunjjamatı Dios Awkijj ukat uñsiripampıjj ukjjamarakiw jichhajj lurasipki.

102 Jupanakajj jıwayapjjänwa janchi toqına, jichhasti ajay toqin jıwañampi. İAmuyapjtati? Dios Awkijj wakt'ayaskänwa mä chacha janchınjjama, Uka profetapa, Egipto markar sarañapataki. Supayajj ukjjamarakiw wakt'ayaskäna mä Ransès chacha, mä chacha janchınjjama. Jichhajj İamuyapjtati? Jank'aki mä chacha janchınjjama. İKunataki? Jıwayañataki o jan ukajj mayacht'añataki taqe Egipto ukjjamarak Hebreo jaqinakaru, ukjjamat jupanakar sirvipjjañapataki.

Ukatapı uka yatıqañ sistema amuyt'añajj amuyunakatakıjj wali ch'amajja ukjjamat kuntı yatkta uñacht'ayasma. İAmuyapjtati? Ukajj ukjjamapuniw, p'iqin amuyawıpajj yatıqañ toqırupiniw irpanıjj, p'iqin yatıñanakapajj amuyt'awınakapajj janıpuniw uñjapkaspati.

103 Jumanakajj İuñjapjjtati uka, "Tunka Kamachınaka" Cecil DeMille qillqatapa? Amuytwa waljjaniw jumanakajj uñjapjjatäta. Nayajj amuytwa janiw askikiti saraña uksa cine toqınakaru, ukat taqe yaqhanakampi. Ukampis iglesiarujj iwjjatawa, khitinakatı sarañ munapki ukanakaruwja, sitejj jupanakajj ukat sipansa jan utjapkaspäna ukhajja, ukhamajj walikiskarakispawa saraña uksa toqıru. Ukampis nayajj janiw munkiristi ni khitkiristi...Nayraqatajj, mayni jılatanakajj sarapjjataynawa. Ukat nayarujj sapjjitäna, nayajj walja maranakaw jan sarkatäti uksa toqıruw, tukt'ayatarusti sarapuniyatwa ukawjjaru, ukat kunapachatı uksa cine manqhankkayäta ukhajja, nayajj uñjayatwa. Kunjjamsa uk uñjayata, ukat sayäta iglesiarujj, jumanakatejj sarañ munapjjtajj sarapjjam, taqe kunas walikiskiwa.

104 Nayajj ukankäyätwa, wali jiwakinwa, munañjjama, kunjjamansa uka Supayan sallqjañapajja, kunjja sallqantir ukjjamansa. Kunjjamsa jupajj—jupajj onjttasina akawjjaru uka wawanakar jiwkatayañataki, ukat kunjjamansa uka p'iqin amuyt'awipajj katjana ukat iyawsarakina, kunalaykutejj jupanakajj uñjapjjänwa, ukajj wali amuyt'atanwa. Oh, kunjjamansa Dios Awkijj taqe orasajj yatichaskana uka profetaparujj, ukat kunjjaraksa Egipto markajj yatichaskana política toqijj Ramsès chacharujj, ukat jupajj munañapar apnaqañapataki. Ukat mä urujj amuyt'asir ch'amampi ajay toqit ch'amampi jach'a ch'ajjwäwiw utjana. Ukat Ramsès chachajj taqe diosanakapampijj, ukawjjan sayt'atakasina ukat warjjatarakinwa uka umampi ukxa—ukxa dios Nilo jawirjjaru bendicñataki. Ukat Dios Awkijj juparujj chhojjrintänwa, ukat wilaw mistunina janchipata. Oh, nayajj wali muspharkañasä sasaw amuyayäta. ¿Amuyapjasmati? Taqe ukanak uñjaña ukat lurasirakina ukawjjana.

105 Jichhajj ak uñtapjjam, sum amuyt'añajj irpapuniniw lup'iñ toqiru, ukatsti janipuniw uñjkaniti ajay toqinjja, kunalaykutejj amuyt'askiwa. Oh, janirakiw yaqha pachanakanj ukjjamakanti, jichhajj jupanakajj janipuniw uñjapkaspati. Jupanakajj janiw uñjapkanti Elias profetan urunakapansa, ¿kunjjamarak aka awki profetast jan amuyt'asir ajanumpi? Dios Tatäw ukjjam arsutajat pampachitani, ukampis nayajj—nayajj lurapuniwa...ukat Dios Awkijj yatiw uk lurañatakiw—lurañatakiw kunjjamti nayajj larusiñjjamäki ukjjama ch'amachasisakta, ukjjamat jumanakajj uñjapjjañamataki Dios Awkin Ajayupa, kunjjamti Pablo chachajj säna, "Kunapachatí Dios Awkin Arunakapa jumanakar parliri jutta uqhajja, janiw jaqinakan yatiñ arunakapampi amuyt'ayañjja munapkäyasmati, jan ukasti Qollan Ajayu toqwa amuyt'ayapjjsma, Dios Awkin ch'amapampiraki. Ukjjamata jumanakan iyawsañanakamajja pachpa Dios Awkit jutañapataki, jan ukasti Jesucriston ch'amapa jakatatawipa toqe.

106 Ukatapi taqe akanakajj luraskta mä larusiñjjama, jawsasajj uka profetaru jan amuyt'asir ajanupas t'arwamayaki. Kunalaykutejj kunakitijj jupajj mä—mä ajjsarkañ uñch'ukiñataki, mä suma isthapt'at sacerdote jak'an sayt'atäkasajja, ukatsti sapjjarakí Dios Awkin jaqipätwa sasina. Jichhajj uñtapjjam jupanakaru, jumanakajj uñjapjjasmaw uka sacerdoten qollanätapjja p'iqimpijj wali amuyt'asiri. Jumanakajj uñjapjjasmaw p'iqipas llawuntata mä turbante ukampi—ukatsti uka efod sat isijj nayraqatapan uskt'ata, jumanakajj uñjapjjasmanwa uka unción aceite, janchina, sunkhapatsti ch'aqasinkanwa isipar puriñkäma ukxa aynachkäma. Jumanakajj uñjapjjasmanwa uka ninanak aqaskiri sacrificionak loqtañataki, ukatjja taqe kunaw sum lurasinañapana.

Jichhajj, taqe ukanakajj p'iqi amuyumpiwi lurasina janchinjama. Uka pachparakiw jichhurunakanjja jumapakajj lurañ amtapjji, kunti nayrajj uñjki, alman punkupawa, ukampis jumanakajj uñjapjjtaw, ajay toqit nayra, uka nayra qhepajjana. Jupanakajj uka ch'amakt'at uñnaqt'an jilir jaqiruw uñch'ukipjjäna ukawjjanwa sayt'ataskana, sunkhanakapas wali jilarata, isthapt'ata mä iwijj lip'ichimpi, mä lip'ichimpi, mä cinturón kallachipa patjjana, inas jan wiskhuni, amparapas jisk'a juch'usaraki, charanakapas wali qaritjjama, janq'o shunkhanakapas saraqtasinkanwa ajanup toqe, ukat katt'ataraki mä wist'u lawa, sayt'ata ukawjjana. Ukampis uka ajay nayrapampijj uñjaskänwa kunjjamasa Dios Awkin ch'amapajj onjttasiskana ukawjjana, kunalaykutejj cheqpachapuniw uka Arumpiskana.

107 Janiw uka jachin nayranakampi, jan ukasti kunti uñjki uka ajay nayranakampi. Ukat jichhurujj uka janchi nayrajja, walikaspas ukjjam uñji iglesiarujj, sumankaña uka Alcade khitiiti uka markankki, o—o khitimpisa inas uka organizat denominacionanakampisa. Ukampis jupanakajj pantasipjjiiw uñjañ uka Qollan Ajayun ch'amapa, kunapachatí jiwatanakarus sartayaspa ukat qollarakispa usutanakarus, ukat—ukat—ukat kunjjamasa...¿amuyapjtati? Jupanakajj—jupanakajj uñtapjjiiw ukxa...Jupanakajj uñtapjjiiw ukxa Hollywood markaru, ukjjamarakiw uñtapjji uka jaqinakarus ukxa thaki cheqanakana.

Warminakajj amuyapjjiiw jichhurujj, kunatsa aka warmijj, Susie sutini, jupajj iglesiar sararakiw. Ukjjamarak jupajj jisk'a ñik'utanikiw, jupajj maquillaje ukampis uchasirakiw. Uka markans taqiniw juparujj munapjji. Ukat nayajj jisk't'asiraktwa, ¿kunapachas alajjpachana? Kunapachatí taqe ukanakajj janiw Arurjjamakiti, Dios Awkijj janiw askit uñjkaspati ukanakjja. Ukjjampachasa...Jupajj inas saspa ukajj walikiskiw sasina, ukjjamaspa ukhajja Jupajj Arupjj janiw walt'aykaspati. Ukampis yatiraktanwa Dios Awkijj janiw ukjjam lurkaspati, akapachas alajjpachas sarawayjjakiniwa, kunapachatí mä warmijj jisk'a ñik'utanikijja ukajj mä maldicionaw Dios Awkin nayrapanjja, o kunapachatí mä warmijj mä chachan isipampi isthapisijja.

108 ¿Amuyasiptati? Ajay toqin uka nayrajj uñjiwa ukanakjja, jupanakajj aka qhepa pachatakiw jakasipjji. P'iqin amuyunakajj uka pachan yänakapat amuyt'añatakiw jakasijj.

Jichhajj amuyapjjam, Dios Aawkijj lurasin taqe ukanakjja, ukampis uka jaqinakajj janiw yatipkänti. Uka janchin amuyunakajj amuyt'añatakiw, Jichhajj Dios Awkijj ajay toqet mistjjapjjañapatakiw jawsaski. Kawkhantí Jupajj markapar janchinjjam mä exodo ukaruw jawsäna, jichhurujj Jupajj jawsaskiw mä éxodo ajay toqina, ¿khitinakaru? Jupan ajllitanakapar, Jupan ajllitanakaparukiwa.

109 Jichhajj, Egipto markajj janiw Israel markan walikiskatap uñjkänti, inas utjkchinsa iwijan wilapas uka punkunjja ukjjamarak uka—uka poste dintel ukawjjansa, ukat kunanakati lurasiskana ukanaksa, Dios Awkijj ukawjjankaskänwa, onjttasina uka profetap toqe, ukat mä jaqin arup katoqasa. Ukawjjan

sayt'asiñapatakiw uskt'äna, ukatsti mä lawa apt'ata kawkharuti sayt'askäna, ukatsti inti jalsu toqiru sañataki, jutpansam chhichhillankhanaka, ukatsti Egipcio jaqinakar puripjjam, ukatsti jupajj kutt'anjjarakinwa. Ukatsti taqiniw sapjjäna, janiw kunas luraskiti, janiw kunas luraskiti.

Ukampis akatjjamataw, mä ch'ojjña chhichhillankhajj ukawjjan muytäna. Mä juk'a pachatsti, sapa yarda ukatjja pä libraw inas utjpachäna, mä jaqi w taqe ukanak utjañapataki arsüna.

Ukawjjan sayt'ataskänwa mä ch'ikhi Ramsès chacha, jupajj janiw ukanak munkänti, mä jaqi wali Cristianjjama, ukatsti jakkir Dios Awkin Ajayupar jan walt'ayañataki, ukat jañchin amuyupajj Ramses sat jaqirukiw uñjäna. Ukampis Ajay toqit amuyt'irinakajj Arsutap uñjäna, uñjapjjänwa phokhasiri.

110 Ukhamajj, sitejj Josue chachajj ukjjamaraki Caleb chachas, Uka Amalequitas, Hiveos, Jebuseos, janis ukankapkaspa ukjjama; inas pä kutis utjkchñjja, o inas kimsa o inas pusi, jupanakajj wali jach'a jaqinakapjjanwa. Ukatsti jañchin amuyupajj, uksa Cades Barnea toqinjja, kunapachat'i uka espianakajj sarapjjäna, ukat sapjjäna, Ah, janiw jiwasanakajj lurksnati ukanakjja, jiwasanakajj...Jupanakajj wali jach'a jaqinakapjjiwa. Ukhamajj jiwasanakajj uñtatatanwa—uñtatatanwa mä jisk'a laq'onakjjama jupanakan nayraqatapäna.

Ukampis Josue Caleb jupanakasti uka Dios Awkin Arsutap uñjapjjäna, ukat sapjjäna, Jiwasanakajj wali ch'amanitänwa ukanak lurañatakijj. ¿Kunalayku? Jupanakajj uñjasipkänwa...kuntijj Dios Awkijj säna, "Nayajj churapsmawa uka oraqi" ¿Amuyapjtati?

111 Jañchin amuyupajj janiw uk amuykiti, ukampis ajay toqin amuyujj katjjipi ukanakjja. ¿Ukat kunatsa? Jumanakar jiskt'añ munta akanakatjja, ¿Kunatsa Egipcionakajj jan uñjapkäna taqe akanakjja? Kunalaykutejj jupanakajj janiw ajllitapkänti. Dios Awkijj janir luraskäna ukjjaw Abraham chacharujj säna...Jumajj amuyam, ikiskir iglesia, Dios Awkijj janir luraskäna ukjjaw Abraham chachar säna, jathamajj sarnaqapjjaniw uksa—uksa Egipto markäna niya pusi pataka maranäka, ukatsti Nayaw apsunipjjäma. Ukatwa jupanakajj uñjapjjäna, kunalaykutejj jupanakajj ajllitapjjänwa ukanak uñjañatakijj, ukatakiw jupanakaw ajllitapjjäna. Israel markajj ajllitapjjänwa uñjañataki Dios Awkin uñacht'awipa, ukat jupanakajj mistunipjjäna Egipto markata jan iyawsirinakajj jiwarapjjänwa. Ukat jichhurujj, Dios Awkijj jawsaskiw ajllitanakaparu, Abraham ajay toqin jathaparu, kunalaykutejj jupanajj utjanwa uka iyawsaña Dios Awkin Arunakaparu. ¿Janit jichhürunakan ajay toqit uka jatha uñjapkta? (Taqpach jilatanakaw sapjji. "Amen". Qillqiri) Ukajj janiw iglesia janchinjjam uñjkiti, jan ukajj uka Arukwa. Ukat uka jach'a denominacionanakat jawsatäpjjtaw Jesucriston jak'apar puriñataki. ¿Amuyapjtati? ¿Ukajj qhanänti? ¿Amuyapjtati? (Taqpach jilatanakaw sapjji. "Amen". Qillqiri) Ukhamajj walikiw, sartaskakinäni nayraqataru.

112 Uka ajllitarukiw...Uka Doctor D.L.Ph, jupanakajj janipuniw uñjapkaniti ukanakjja. Janiw ukatat jumanakajj ajllitapkiti. Ukat jichhajj amtapjjam, uka ajlliwij jutaski jichhajj, janiw sarañatakikiti yakha markaru. Jan ukajj sarjañatakiw uksa Gloria toqiru, kawkhant'i sutinakapajj qillqataki uksa Jakañ Corderon Libropana. Janiw uka iwija manqhankiti, mä iwijja janchinjjama kunat'i apsunkäna Israel markarujj, kawkhant'i jupanakajj pantjjasipjjaspäna ukat kutt'apjjaspäna, ukampis akajj janiw ukjjamäkaspati. Akajj Dios Awkin Corderopan Wilap taypinkiw, khititi janir akapachajj qalltaskanjja ukhatpach mä sacrificio loqtatänwa. Janir akapachajj qalltaskanjja ukhatpachaw sutinakapajj qillqatajjanwa uka Jakañ Corderon Libropana. Ukat jupanakajj uka manqhankapjjiwa, ajllita. Ukat kunapachat'i uka qhanajj jupanakkar qhant'ki ukhajja, ukatap'i uka denominacional perqanakajj tinkuwayjjapjji jupanakatjji, ukat akajj jutapjjiw. "Markajja mistunipjjam jupanak taypita" Ukjjam sänwa Qollan Ajayujj aka qhepa urunakanjja. Jan llamkhapkamti q'añu yanakjja, ukat Nayajj mä Dios ukjjamayawa jumanakatakijj, jumanakasti Nayan wawanakajja.

113 Jichhajj uñtapjjam, Israel markajj uñch'ukiskänwa, jupanakajj yatipjjänwa Dios Awkijj irnaqasiw profetanakapampi, kunalaykutejj Arujj jutiw jupanakjjaru, ukatsti jupanakajj uñjiriw jutapjjäna, ukat jupanakajj uñjapjjarakinwa. Ukat jichhajj, uka janchinjjam uñacht'awijj, taqeniw ukanakj uñjtanjja, jupanakajj iyawsapjjiwa jupanakan organizacionanakaparu. Jupanakajj jupanakan credo uka manqhankapjjiwa. Ukampirus jupanakajj...Kunjjamakant'i Balaam chachajj, mistuninwa uñjañataki uksa qollu toqiru kawkhankapjjansa Israel markajj. Ukawjjankaskänwa Israel markajj, janiw mä markjjama, jan ukajj mä wasaran sarnaqir jaqinakjjama, ukat jupanakajj juchanipjjänwa. Ukat Moab chachajj jilapampi, uka p'iqimp amuyt'irijj, mä organizat chacha, uksa qollukamaw makhatäna uka Obispo o jan ukajj uka profetanakapampi kunanakati jupanakan utjkäna, ukat jupajj lurt'asina mä altar loqtañataki uka pachpa sacrificio. Ukampis jupajj pantjjatänwa kunalaykutejj janiw uñjkanti uka Nina Columna ni uka chhojjrintat Qarqa taqe ukanakajj Israel markampiskänwa. Ukjjamarakiw jichhurunakanjja, uka amuyt'ir amuyujj ukan sayt'at wali uñch'ukiskäna. Jupanakajj janiw chhojjrinchat Qarqa uñjapkänti. Uka pachpa Obispo ukjjamarakiw pantatäna janiw uñjkanti uka Qollan Ajayun ch'amapjja, uka Reyen arnaqasitapsa uksa campamento toqina. Jupanakajj janiw uñjapkänti.

114 Ukhamajj, ukjjamarakiw wastatampi jichhurujj, Dios Awkijj jawsaskiw ajllit markaparu, jichhurujj jupanakaw ajllitajj. Ukat jichhajj, jupanakajj ajllitapjjiwa, ¿Kunataki? Mä jakatatäwi layku, ¿Ukat kuna kast uñacht'awsa Jupajj uñacht'ayaski? Mä jaktañ uñacht'awi. ¿Kunsa ukhamajj Jupajj uñacht'ayaskäna? Mä

qhespiyasiñ uñacht'awi, jupanakar qhespiyañataki uka esclavoñat toqita, mä ch'aman uñacht'awi khititi alajjpach jist'antaspä jan ukajj ch'amakt'ayaspä.

Jichhasti Jupajj uñacht'ayaskiw uka ch'amap wawapan jaktawipan jupanak taypin jakaskiri, jaktayañataki aka sepultura ukat cementerio kawkhanti jiwasanakajj jikqhatasktan, mä suma oraqiru kunjjamati Jupajj arsuwaykäna ukhamarjjama, mä jakatatawi uñacht'awi, jawsasın uksa Egipto ajayunjama ukat uksa Babilonia ajay toqitaraki.

115 Yatisına, ak sañ munapjjarakasma, quietly now, janq'aki jichhajj, ukjjamat jumanakajj amuyapjjañamataki. Kunjjamti Jupajj qalltanjj lurkäna uka pachpakirakiw luraskijj, uka pachpakiw Jupajj luraskijj, jan iyawsirinakarujj nayranakap jist'antäna, iyawsirinakarujj nayranakap jist'arasına. Jichhajj uñtapjjam, uka politicajj luraskiw p'iqimp amuyt'asa, política iglesiampi, política uka markanakämpi taqe kuna, ukat yaqha toqitja jupanakajj imantatawa, ukajj utt'ayiw ajay toqina. Ukat Dios Awkijj mä chachwa waytasina uksa wasar toqina, wakt'ayanwa sarañapataki, ukatsti uka yänak sum wakt'ayäna, ukatjj markapajj mistunipjjänwa. ¿Amuyapjtati kuns sañs muntjja? Jupajj janiw mayjtt'aykaspati wakichawipjja. Kunalaykutejj Jupajj Dios ukawa, Jupajj janipuniw mä tama jaqinakamp irnaqkaniti; Jupajj janipuniw ukjjam lurkänti, Jupajj irnaqanwa mä sap jaqimpiki, ukjjam Jupajj luräna, ukjjamapuniw lurarakinijj, ukat Jupajj arsuwayänwa uksa Malaquias 4: ukjjam Jupajj lurañapaw. Ukajj cheqapuniw.

116 Ukhamajj uka arsutapajj ukawjjankaskiw, kunjjamansa Jupajj, kunti Jupajj luräwa siskäna, jichhajj jiwasajj akawjjanktanwa. Kunjja jaqinaka sinti kusisitäñasaw, jupanakarujj arsut Arupan uñacht'awi toqiw uka uñachawijj churatajj, uka Arsut Arupa...Ukjjam Jupajj arsuwayänjja lurañatakijj. Ukat Jupajj jaqinakan iyawsäwip wasitat waytañataki, uka markan chuymanakapa, nayrır Pentecostal awkinakan iyawsäwiparu. Ukjjam Jupajj arsuwayäna, Uka uñanchawipa uñacht'ayasina. "Kunjjamatejj Noe chachan urunakapanjja paskatayna ukjjamarakinıwa Jaqen Yoqapajj jutkani ukhajja" ¿Kuna kasta uñacht'awinaksa Sodoma markankir iglesianakajj uñjapjjäna? ¿Kunsa amuyt'asir iglesiajj uñjäna? Pä parlirinaka. ¿Kunsa ajay toqinkir, ajllit iglesiajj lurana, Abraham ukat jupan tamapajja? Uñjanwa Dios Awkin uñacht'awipa mä janchin cuerpo, jaqin jañchipat, Jupajj uñantaskanwa ajay toqina kunti Sara warmirujj säna jupan qhepajjapan sayt'ata. Kunjjamatejj Lot chachan urunakapanjja paskatayna ukjjamarakinıwa Jaqen Yoqapajj jutkani ukhajja" Ukat jiwasanakajj uñjtanjja Qollan Ajayurujj, luraskatapa taqe kunsa pachpaki, irnaqasina mä janchin jaqi toqi. Akaw uka pachajj. ¿Amuyapjasmati? Akawjjankastanwa jichhajj amigonaka, ukakiw taqe kunas. Mä éxodo ukaw lurasiski.

117 Ukampis jichhajj uñtapjjam, ukapachaw uk luräna, ¿Khiti toqe? Uñtapjjam ukat ajay toqin amuyapjjam. Qollan Ajayujj apaqpan taqe kunti yaqha kast amuyasipta anchhitajj, ukat sum amuyapjjam. Dios Awkijj mä kutikiw kuns lurañsa mä amtar purt'i, Jupajj janipuniw mayjtt'aykaspati ukanakjja. Kha Eden Jardin ukawjjanjja, kunapachatı Jupajj munäna khuyapt'ayaña mä chacharujj kutt'ayañataki wastat uka compañerismo toqiru, Jupajj mä amtaruw purına, ukasti uka wilanwa. Jupanakajj yatichañ yant'apjjäna, yant'apjjarakinwa mä denominación toqe, ukjjamaraki nacionalización uks yant'apjjarakinwa, ukat yakhanakampi, ukampis ukajj janipuniw irnaqkänti. Mä cheqanakwa Dios Awkijj mä jaqimp jikisipa, ukajj wartat wila manqhankiwa, kunjjamakanti uksa Eden toqina. ukanakajj janipuniw mayjtt'ayatakspäti, Job chachan urunakapanjja, Dios Awkijj sacrificio loqtañ cordero manqhanwa jikkjatasına. Israel markan urunakapanjja, Dios Awkijj sacrificio loqtañ cordero manqhanwa jikkjatasirakına, kunjjamati Jupajj lurkäna uksa Eden toqina, mä sacrificio loqtañ iwijja manqhana, Jichhürunakanjja ukakipkarakiw kawkhanti utjki janiw mä denominación toqina, jupanakajj jupanakkamaw toqisipjji ch'ajjwapjji, janiw mä iglesianjjama, jupanakajj ukjjam lurasipkakiwa; janiw p'iqimp amuyunakampi, taqiniw jupanakatjj pantjjatapjji, ukampis uka Wila Iwıj manqhanjja sapa iyawsirin utjijj jikisiñataki mä compañerismo toqina, kawkhanti Jakañajj utjki.

118 Dios Awkijj mistjjañ urunak ajllıwayi, Jupajj mä tamaruw jawsäna, ukat uka tamatjja...Nayajj jumanakan kuns amuyapjjañam munta. Jupanjj päninikiw utjana ukat uka päninikiw mantäna uksa arsut oraqirujj, ¿Kuna toqitsa Jupajj apsuñ amtäna? ¿Política toqita? ¿Organización toqita? Jupajj ajllisinwa mä profeta, mä uñacht'awi Nina Pilar ukampi, jan uka markajj pantasiñapataki. Kuntı profetajj siskäna ukajj cheqa yatiyawınwa, ukat Dios Awkijj saraqtaninwa uka Nina Pilar toqe, ukat Jupa pachpaw cheqapar uñjasına, uñacht'ayanwa Jupan Arunakapa. ¿Ukajj ukjjamapuninti? (Taqpach jilatanakaw sapjji, "Amen" Qillqiri) Ukaw nayrır éxodo apanına, päyır éxodo ukansti...Dios Awkijj kimsarupiniw sari. Jupajj kimsanpuniwa cheqachasi, taqe jumanakajj arsutajj amuyapjttawa; sapa kutiw kimsa ukat paqallqo. Paqallqojj tukuyawa, kimsasti Jupan jan pantjjasiriwa, Nayriri, Päyiri, ukat Kimsir Jiyyt'awi oh, taqipuniwa, taqe. ¿Amuyapjasmati? Justificacion, Santificacion, Qollan Ajayump Bautisata, Awki, Yoqa, Qollan Ajayu, taqipuniwa. ¿Amuyapjasmati?

119 Amuyapjjam, ¿Kunsa nayrır mistjjañajj luränjja? Jupajj khitänwa mä ajllit profetaru Nina Pilarampi, ukat uka profetajj markar apsunina, ukanwa qallta éxodo o mistuña. Ukat Israel markan pachapajj phoqhasjjäna ukhajja, Jupajj khitanwa wastatampi mä Dios profeta uka Nina Pilarampi, Juan chachajj Alajjpachat mä palomar uñtat saraqanir uñjäna. Ukat jupajj säna, "Dios Awkit jutta ukat Dios Awkirurakiw kutt'ä".

Kunapachatī Jupajj jiwjjāna sepultatajjāna ukat jakatatāna, Saulo chachajj, Tarso markata, kunapachatī jupajj saraskāna Damasco thakjjana, jupajj uñjanwa uka pachpa Nina Pilar. Jupajj mā Hebreo jaqinwa, wali watichata uka Arunakatjja, jupajj sänwa, ¿Tatäy khititasa? Jupajj yatinwa ukajj Dios Awkiskatäpa, uka Nina Pilar. Jupajj mā Hebreo jaqinwa, ukat jupajj säna, ¿Khititäsa? Ukat Jupajj säna, “Nayajj Jesus ukatwa”.

120 Payiri éxodo ukansti, Jupajj apaninwa mā ajllit profeta, ukajj Jupan pachpa Wawapänwa, Dios Profeta. Moises profetajj sänwa, Jupajj mā profeta ukjjamaniwa, ukatsti Nina Pilaranirakänwa, ukatsti unañchanak luräna muspharkaňanak lurarakäna, ukat uka pacha profetaw sarakäna, “Khititejj Nayar iyawskitu ukhajja, lurarakiniwa kuntejj nayajj lurkta ukanaka”.

Ukat akajj Jupajj Arsuwayänwa uka éxodo tukt'ay urunakanjja, Jupajj janipuniw mayjjt'aykaspati ukanakjja. Uka científicos jaqinakampis yant'atawa, Qollan Ajayun qhanañchäwip toqis, Ajayun luräwinakap toqis, taqiniw uñjaraktan, uka Nina Pilaras onjttasiskiw jiwäs manqhana. Jesucriston jaktatapat unañchanaka muspharkaňanak uñacht'ayapjjaraki, jawsasin mā markaru uka denominacionalismo Jesucriston jaq'aparu jakapjjañapataki, ukat sarañataki mā oraqiru. Janiw kuna pantasñañajj utjkaspati, amigonaka, ukajj janiw nayajj arsutajjakiti, nayajj juman jilamakitwa. Ukampis Dios Awkiw jumanakar uñacht'ayasiptam ukanaka, kunatī cheqapar tukuyi. Pachpa Nina Pilar kunatī Jupajj apnaqkäna uka pä nayrir ukanakataki, Jupajj jichhürunakan jumanak taypiruw apanjji, ciencia toqis yant'ataw ukanakajj.

121 Jumanakajj yatipjttaw ukanakjja, Uka revista “Life” toqe pasir phajjsiw ukanak uñacht'ayäna, khaya kawkhantī... ¿Qhawqhanis akankapjjayäta ukat ist'apjjayäta janir paskipan kunas lurasñañapäna? Nayajj amuytwa taqiniw aka iglesiana, ukajj ukjjamapunisa. Jupanakajj janiw yatipkiti taqe ukanakatjja, Científicos jaqinakajj ch'amachasipjjiw ukanak yatjjatañataki...Khitins utjpachaw uka fotojj taqe ukanakatjja, inas jawsna—Mä qenaya pä tunka sojjtani millas alay toqiru, (41.86 kilometros. Qillqiri) Mä pirámide ukjjam uñtata; uka paqallqo Angelanakaw ukan uñacht'ayasäna, ukat jupanakajj kutt'anipjjäna apaniñataki uka Aru jumanakataki, mā aski lurawi, ukat sapjjaraktam jumanakaruujj kuna orasansa purinipjjta ukat jakasipkarakta. Ajay toqin amuyujj janq'akiw ukanak katjjaniijj, ¿Amuyapjtati? Ukat amuyapjjatajj taqe ukanakjja. Ukajj mā exodos ukjjamawa, akat mā urunakaruujj jiwasanakajj sarjjañaniwa. Dios Tatär yuspagaratäpam, janq'akiw tukt'ayjja akat mā juk'a pachanakata, utjaskituwa tunka minutos.

122 Jichhajj amuyapjjam, kunapachatī uka Nina Pilar jupanakaru apsunipkäna, Jupaw arsut oraqir irpäna, mā ajllit profeta toqe. Mä Nina Pilar jupanakajj uñch'ukipjjäna, ukaw arsut oraqir irpäna, mā ajllit profeta toqe. Ukat sapa kutiw jupanakajj jupar jan iyawsapkänti. ¿Ukajj ukjjamapuninti? (Taqiniw sapjji. “Amen” Qillqiri) Ukjjamapuninwa.

Jichhajj, Nayajj yatiraktwa mā bautisasiñ serviciow utjani. Nayanjj niya sojjta laphinakaw akan utjitu, ukjjamjjamakiw, ukampis nayajj niyaw tukt'ayjja mā juk'a pachanakäta. Uñtapjjam aka, jiwasanakajj anqar mistuñatakiw jawsatätanjja, “Markajja Mistunipjjam uka Babilonia taypita” ukjjam arsüna uka Angelajj. ¿Kunatsa mistuniñajja? Mistuniñaw uka pantjjata toqita. ¿Metodista iglesiajj walikiskiti o iglesia Bautista o iglesia Catolico? Mistunipjjam jupanak taypita, Dios Awkijj cheqapuniwa. ¿Kunjjamatsa jumanakajj yatipjjta? “Taqe janinakan arunakapajj q'aripan, Nayan Arunakajjajj cheqapan” Mistunipjjam jupanak taypita. ¿Kunjjamatsa jumajj yattajja? Uka pachpa Nina Pilar, uka pachpa Ajayun ch'amapampi, irpasina ukas arsut oraqiru. Amuyapjjam jichhajj, jupanakaruw irpäna, Jupaw irpsunäna, irpañataki ukas arsut oraqiru, Israel mā marka.

123 Uka pachpa Dios, pachpa Nina Pilar, ukjjamakinwa ukanakajj...jupanakajj sapjjiwa uka—uka—uka cámara...kunapachatī jumanakajj uñjatapjjäta uka George J. Lacy...janiw nayajj. Jumanakajj uñjatapjjam—uñjatapjjam kawkhantī George J. Lacy uñjatäna uka foto, ukat uka jilir jaqijj uka F.B.I. Kawkhantī uka luq'anamp limjjataña ukjjamarak uka documentos toqinakatsa, ukajj jupajj ukjjam arsuwayäna. Mayniw jupanakat ast'äna sasäna, janiw ukajj ukjjamakiti mā doble ukjjamakiw sasäna. Waranqans waranqanakapaw jaqinakajj nayranakapamp uñjapjjäna. Jiwasajj akawjjat ukjj uñjapjjtänwa; jumanakas ukjj uñjapjjaraktaw. (Taqpachaniw sapjji. “Amen” Qillqiri.) ¿Janich ukjjamakijja? Jupanakajj sapjjanwa, ukajj mā ilusión ukjjamakiwa. Ukat, ¿kun sansa uka tata Lacy? Jupajj sänwa, Aka cámaran mecánico nayrapajj janiw psicología ukjj apt'kaspati. Janiw mā ilusión ukjjamakaspati, ukajj ukawjjankaskiw, uka pachpa Nina Pilar. Ukat jupanakajj sasipkakiw, Oh, ukajj mā ilusión ukjjamakinwa. Jichhajj, Tucson markanj patak patak kilometros sarañanj taqe chiqanwa uka cámaranakajj utjäna.

124 Sojjta phajjsi janir luraskäna ukhajja, Qollan Ajay toqijj jumanakaruujj sapjjayasmawa, ukaruw nayajj yatiyäwinak apthapir sarañajjāna. Kunalaykutejj uka pirámide anqäx toqin qillqt'atanwa...kunalaykutejj uka jilatajj mā samka samkasina, ukat nayajj jumanakaruujj ukjj qhanañcht'apjjsmaw ukaw taqpach qhanañchäwijj. Jichhajj taqpach uka imantatanak Justificación, Santificación, Qollan Ajay toqi bautisasiñ, taqe ukanakajj yatiyatajjiw. Jichhajj Jupajj apthapiskiw taqe ukanakjja, kunanakatī imantataki ukas Paqallqo Sellonakana, janiw ukas Paqallqo Edades toqina. Paqallqo Sellonakajj Misterios ukanakwa uñacht'ayijj. Ukjjamat Jupajj jist'aranwa uka yanaka, ukas qollu toqina, ukatsti uka manqhanjja mā Qarqa

qala jikjjatāna, janq'o qala, ukampis janipuniw kunas qillqatakānti uka patjjanjja, ukajj mā Imantatjjam ukjjamanwa. Saram Tucson markaru, ukajj sasīnwa janīr phokhaskasina. Tucson markan alay toqen sayt'atāsajja, waljaniw ukanak uñjapjjtajj ukatjj akankasipkaraktaw, kunapachatī mā phallañajj purinkāna ukhajja qollunakas khathatinwa oračkama, niya uka pachpa orasajj, mā muyu qhanawa warkt'atjjamaw uksa alay toqinkāna, jichhajj kunapachatī Ciencian jaqinakajj apsupkāna uka fotonakjja. Pā tunka sojjtani millas alay toqina, (41.86 kilometros. Qillqiri.) Niya phesqa kuti jayan ni qenayanakas utjkantī o kunanakas, ukat jupanakajj janiw kuns jikjjatapčkānti kunas ukanak lurpachāna. "Jayp'u toqirujj mā qhanaw utjani, cheqpachansa uka Gloria thak jikjjatapjjani" Sitejj jumanakajj ajllitapjjta, sitejj uka jathajj purkāni mā qholu qaljjarujja, inas qala patjjarus, janipuniw kuns lurkanīti, uka chuymanakas wali qholunaka yakha kast tukupjjaraki. Ukampis sitejj uka jathajj purkani mā suma iyawsir laq'arujja, ukapachajj mā cheqpach Cristianuniwa churarakiniwa Ajayun achunakapa.

125 Jichhajj uñtapjjam kunjjsamsa Dios Tatājj luraskāna, jichhajj, Jupanjj utjiwa uka pachpa Nina Pilar, ukajj cheqapar uñjatawa. Mayniw sāna, ¿Kunatsa jan sarta uka científicos jaqinakaru ukat sasma taqe akanaka? ¿Amuyapjjasmati jupanakajj iyawsapjjaspati ukanakjja? "Jan uka suma perlanakam khuchhinak nayraqatan churapjjamti" Jesucristojj sānwa, jan ukjjam lurapkāmti, uk lurañatakijj janiw kuna yatichāwinakas utjkituti. Ukampirus uka markan jakasajj, kawkhantijj jupanakajj mayipkāna. Nayajj sarañ munayātwa, ukampis Qollan Ajayujj sitānwa, "Jan saramti". Janiw jupanakatakikīti, kutt'am iglesiaru ukat sam jupanakaru. Walikiw, ukatjj ukanakajj lurasiniw...Sitejj kuntī jupanakajj sapki ukatjj phokhasiniija, ukhamajj amtapjjam, nayajj niyaw ukanakjja sawayapjjasma, ukjjam siw Dios Tatājj. ¿Amuyapjtati? Janīr luraskasinjja, ukanjj phokhasiniwa. Ist'apjjam Bibliaru, ukajj Dios Awkin Arupāw jawsaski taqe jumanakaru aka uruna.

126 Jichhajj, nayajj muntwa jumankan amuyapjjajñama, aka pachpa Nina Pilaraw irpaski wastatampi markaparujj uksa arsut Oraqiru, uka Milenio, kawkhantī jiwasanakajj jikjjaktan Arsut Sojjta Sello, ukajj janipuniw nayra pachanakajj arsutakānti, kunjjsamsa aka oraqujj Mileniotaki q'omachatāñapa. Nina Pilarajj irpaskiw jupanakarujj mā Milenio toqiru.

Ukat jichhajj amuyapjjam, Nina Pilarajj irpaskānwa Israel markarujj uka t'aqhesiñata uka éxodo toqi, uka Nina Pilarajj, Dios Awkiw p'iq't'askāna, uka Ninajj Dios pachpānwa, uka Nina Pilarajj ajllinwa mā profeta. Nina Pilarajj sayt'asiñapānwa mā alajjpachankir testigo ukjjama Moises profetajj jawsatatāpa. Amtapjjtati Dan chacharu, jupanakajj sapjjānwa, walikiw jiwasanakajj qalltañaniwa mā organizacionampi. Moises ukjjaruk aliqt'am jumakiw sistajj nayajj mā qollanātwa jumanak taypīna. Taqpach Dios Tatān jaqinakapaw qollanapjji. ¿Kunjjamatsa juma pachpajj uk katoqasmajja? Ukat Moises profetajj ajanup alintasīn jachañ qalltāna. Ukat Dios Awkijj sāna, jithiqtam jumajj jupata. Nayaw jist'arā aka oraqi ukat manq'antawaya. Mā jaqi, kunjjsamatsa Moises profetajj, saskānwa kuntī Dios Awkijj siskāna ukjjamarjjamaw parlaskāna jupanakaru, Dios Tatājj uñacht'ayasiskānwa taqe ukanakajj cheqatapa.

127 Miriam warmi pachpaw, jupajj mā profetiza ukjjamānwa, uka Aarōn chachampi, jupanakajj larusipjjāna Moises profetatjj kunalaykutejj jupajj mā Itiope warmimpiw jaqichasīna, Moises profetatjj wal sawkasipjjāna, ukat Dios Tatājj wal kulirasīna, kunalaykutejj Moises contraw parlapjjāna. ¿Kuns Jupajj lurana? Jupajj jawsanwa uksa tabernáculo punkujjaru, ukat Mariam warmirujj, jupajj mā profetiza ukjjamanwa, ukampis Moises profetajj mā profetat sipansa juk'ampīnwa. Ukat Dios Awkijj sāna, ¿Janit Dios Tatār ajjsarapka? Sitejj utjjani mā profetajj jumanak taypinjja, Naya Dios Tatāw parljajya juparu visionanak toqe, ukat Naya pachpawa uñacht'ayasi juparu samka toqe, ukampis sānwa, jan Moises profetaru, Dios Awkijj sānwa, ¿Janit Dios Tatār ajjsarapka? Ukat jupajj—jupajj mā jiwatjjamanwa mā lepra usu toqe, uka pachpa orasa. Jumanakajj ukjj yatipjjtaw.

128 Janitī Jupajj siskāna, Juan Bautista... ¿Mā profetar uñjirit mistupjjayāta? Jīsa, mā profetat sipansa juk'ampi, ¿Kunata? ¿Kunatsa mā profetat sipansa juk'ampipachāna? Jupaw arust'āwin yatiyiripāna, uka pāya dispensacionanak mayacht'irīw mayacht'āna.

Ukat jichhurujj, Kunatī jiwas taypin utjkistu ukajja, aka Jach'a Qollan Ajayujj, Jupajj mā profetat sipansa juk'ampīwa, ukajj Dios Awkiw jiwasanak taypin uñacht'ayasi, Arupampi uñacht'ayañataki. mā profetat sipansa juk'ampi lurijj, profetanakat sipansa waranq waranqa kutiw juk'ampi lurapjji.

129 Elias profetajj, uka pachanakan mā jach'a profetanakat maynīri, Jupajj llātunk tunk maranakani taqpach jakāwipanjj pusi jach'a lurawinak luratayna. Ukat Eliseo profetajj, uka pā kuti wajt'awimpijja lurataynāwa kimsaqalqo lurawinaka, ukat waranq waranqas nayranakasampi uñjtānwa. Uñjaraktanwa Criston angelaparujj mā Nina Pilaran manqhana. Cientificonakajj thajjtapjjiw uñacht'ayañataki taqpach oraqiru, yatiraktanwa jupanakajj taripatapjjaniwa taqe ukanakata.

¿Kunsa luranjja uka Iwijajja, Criston Angelapajja, khitiitī Cristo pachpanjja? ¿Uqhamti iyawsapjjta? (Taqpach jilatanakaw sapjji. "Amen". Qillqiri) San Juan 6, Taqeniw uka umat umasipkāna, ukat walrakwa kusionipjjāna. Jupajj sānwa, "Nayatwa alajjpachat saraqanir Jakañ churir t'ant'atjja" "Nayatwa uka Qarqajj khitiitī wasar toqikāna" Ukat jupanakajj sapjjāna, jichhapī yatjjapjjta jumajj mā loqhetawa. Jumajj—jumajj loqhepinistaw, jumajj Supayamp mantatatāwa. Jumajj mā loqhe jaqitaw Supayamp mantata, jichhajj

yatipjjtati, jaqenakajj jupanakat mä ajay katoqapjji, oraspachanakajj jupanakajj wali religiosos ukjjamwa tukt'apjji. Ukat sapjji, Jumajj, jumajj mä Supayatawa, jumajj Supayamp mantatatäwa. Jumajj mä Samaritano ukjjamatawa, ukat Supayamp mantatarakitäwa. Ukat sapjjäna, Jumajj janiw ni phisqa tunka maraniktäsa, ukat jumajj sista, Abraham chacharujj uñjaniwaytwa.

130 Mä qhawqha sartawi qhipäjjar kutt'ir uñjta, ukat säna, NAYAJJ KHITĪKTSA UKÄTWA. Janir Abraham utjkäna, NAYAJJ UTJWA.

Jupaw uka nina nakhaskirina, uka Nina Pilar zarza. Khititi Kimsir urun jiwkäna ukat jaktana, ukat Saulo chachamp jikthaptäna ukxa thakina, Jupajj kutt'awayjjänwa ukxa Nina Pilar manqharu, ukat säna, Nayajj Dios toqitwa jutawayta ukat jichhajj kutt'awayjjaraki Dios toqiru.

Kunapachatı Pedro chachajj ukxa cárcel manqhankaskäna, uka pachpa Nina Pilaraw mantäna, uka punkunak jist'aräna ukat jupanakar anqajjar apsunina. Ukajj ukjjamapuniwa.

¿Kawkharus uka Nina Pilarajj jupanakarujj irpäna? Jichhajj amtapjjam, Moises profetajj janiw uka Nina Pilarakänti, Jupajj uka Nina Pilar taypin ajllit irpiripänwa, ukat uka Nina Pilarajj juparuw ajllisina mä yatiyawı apañapataki uñacht'awınakampi muspharkañanakampi.

Ukat uka Nina Pilarajj kunti Dios Awkiw arsuwaykäna uka oraquiru irpäna, kawkhanti Jupajj, Jupa pachpaw, jupanak taypina janchiru tukuñapanwa mä urujj. ¿Ukajj ukjjamapuniti? (Taqpachaniw sapjji. "Amen". Qillqiri) ¿Kunsa jupanakajj lurapjjana? Jupanakajj chucharapjjanwa janiw walt'ayasipkänti, ukat yakhanakampi, ukat mä jan yaqañ iwıjjan wilap manqhankatap uñacht'ayañataki. Ukampis jichha kutıjj, (Gloria churañani Juparu) Uka Pilar kunti jıwas taypin uñjtan, uka Nina Pilaraw irpistäni ukxa Milenio toqiru, kawkhanti Jupajj markapar kutt'ankani uka jach'a Milenio toqiru ukatjja apnaqañataki aka éxodo, kawkhanti jıwasanakajj jakapjjañäni Jupampi Wiñayataki. Jupanjj Awkin Arupajj utjapuniwa, ukajj cheqatap sapüruw uñacht'ayasi.

131 Mä mistuñanktanwa jichhajj. Ukat tukt'ayasjjañäni ukjjarujj uka grabacionanak jıwt'ayjjañäni, Oh, amigonaka, jılatajjanaka, khitinakatı akawjjankapta ukat khitinakatı ist'apkäni aka cintanaka, mä jılamarjjama Dios Awkin apnaqäwıpankir markachirıjjama, mistunıppjam aksa éxodo toqiru. Kunalaykutejj taqe khitinakatı qheparapkani ukanakajj uka laqo'n sellopampıw uskt'atäni. iMistunıppjam ukxa Babilonia toqita! iMistunıppjam ukxa phejjthapıt toqita! iMistunıppjam ukxa sistemas toqınakäta ukat Dios Awkir yupaychapjjam. Ukat aka jach'a Arust'äwin Angelapan, Jesucristojj Dios Awkir uñtasıtawa, janiw Dios Awkimp kıkıpäkaspas ukjjam amuykti...Jichhajj Jupajj uka Nina Pilar manqhankaskıwa, kunjjamakantı khaya jaya pachanakana apanısina uka qallta éxodo, ukjjarujj apanısina uka payir exodos, ukat akanjj Jupajj kimsir éxodos chıkaw jıkjatasi.

132 Qallta éxodos ukanjja, ¿kuns Jupajj luranjja? Jupajj jupanakarujj mä janchın oraqıt irpsuwayäna, mä janchın oraqıru. Payir exodos ukanjja, Jupajj jupanakarujj ajay toqın irpsuwayäna, Qollan Ajayump bautismo toqıru. Jichhajj Jupajj Qollan Ajayump ajay bautismo toqıruw apanıppjtam, kutt'asina uka Wiñay Oraqıru ukxa Milenio khaya alajjpach toqıru. Uka pachpa Nina Pilarakıskiwi, pachpa ajllıt sistema ukampi, uka pachpa Dios pachpa lurañanak lurası, ukat pachpa Arurakiw nayrir arunak yatiyäna, payirs ukjjamarak yatiyäna, pachpa Arujj payiri yatiykanjja, kimsirjja ukjjamarakiw yatiyäna, ukat jichhajj jıwasanak taypin uñjtanwa. iMistunıppjam! Oh, uka jan walt'äwıt mistunıppjam. iJakkir Dios Awkir jutapjjam! Jutapjjam ukxa Aru toqıru. "Khä Arustı janchıruw tukuna, jıwasanak taypinwa jakarakına" Ukat jichhajj, Jupajj jıwasanak janchı manqhankıwa, jıwasanakampıw qaması. Mistunıppjam Jakkir Dios Awkir yupaychapjjam, p'iqınakas alt'añani. (Mä profecıyaw arsuta mä jılat toqe. Qillqiri)

133 P'iqınakas alt'ata...Almanakaman manqhatpacha, taqe kunatıjj juman utjki ukanakat manqhatpacha, ¿Amtañ munasmati?...¿Taqe akapachan utjki ukanak jaytañataki Dios layku wakıcht'atätatı? Jichhajj, janııjj jumanakajj ukjjam sañ munktajja, jan lurapkamtı, ukampis sitejj jumanakajj qhan arsupjjatıjj taqe chuymanakampı, ukajj jichhajj jumajj iyaw satawa...Kunjjamatı Jesucristojj säna niya tukt'ay ministerıopanjja, ¿Jichhajj iyaw sapjjatı? ¿Uka Arunakajj cheqäskapunitı iyaw sapjjatı jumanakajja? Ukat jichhajj niya tukt'ay orasanakankjjtanwa, ukat ¿cheqapunit jichhajj Cristor jutañ munjjta? Aka mistuwıru mantanıppjam, jan yäqañat mistuñataki jawsatapjjtawı, ukxa denominacionalismo toqita, amuyunaka ukat akapachan yänapapata, ukatstı taqe chuymampı katuyasıñ munta Juparujj, ukat mistunıñataki ukxa suma Arsut Oraqıru. ¿Amparanakam alay toqıru aptapjjätatı? ¿Cheqapunit taqıııjj mistuñ munapjjtajja, taqııı?

134 Alajjpachankir Awki, khitinakatı amparanakap loqtatapki, Tatäy jupanakajj mistunıppjjamsam. Uka Qollan Ajayur, Aru arsutapatjja, uka Qollan Ajayujj mantpansam chuymanakaparı. Khitinakatı aka iglesıanı niya pä tunka amparanakaw amuyta, Tatäy, khitinakatı iyawsapjji ukat—ukatjj yatıppji ukanakajj cheqapunitapa, ukat mistuñın munapjjı.

Uka urunakanjj kunapachatı Israel markajj mistunıppjjäna, niya pä millón chıkatani jaqınaka, ukatjj panııkiw mantapjjäna uka oraqıru. Jesucriston urunakapanjja niya pataka pä tunkanıw mä amtar purıppjäna. Ukat jichhajj, akapachan tukt'ay urunakanjja, Jumajj sawaytaw, "K'ullku punku toqe

mantapjjam, thakisti wali k'ullkurakiw juq'anikirakiw jikkhatapjji, chhakhañaru irpiri thakisti wali jach'arakiwa waljanirakiwa uka toqe mantapjji" Uka Arunakapajj janiw pantaskaspati, ukanakajj jumanakankiwa.

135 Jichhajj nayajj jupanakatakiw mayisma, Tatäy, nayajj mayismaw Jumarujj, jichha orasajj, uka Qollan Ajayum toqe, chuymanakap circuncidam, taqe akapachan kunanakatī utjki ukanak apsum. Circuncidam jinchunakapsa, ukjjamat jupanakajj ist'apjjañapataki wali khäna Dios Awkin Arunakapa, jawsaski Arunakap toqe, ukat uka uru qhana toqe. Churapjjitay Täta, nayranakapas jist'aratäpan, ukjjamat Dios Awkin jach'a kankañap aka qhepa orasan uñjapjjañapataki kunalaykutejj niyaw jist'antasiski. Jumajj sawaytaw, "Taqe kunanakatī Awkijjajj churkitu, jutapjjaniw, nayasti qhepa urunjja jatatayarakiwa" Ukat Tatäy, Inas waljani akanjj utjchispa jupanakajj janiw amuyapkaspati. Nayajj maytwa Jumajj jupanakampimaya, ukat churarakimay mä pachanakampi, Tatäy, Ukjjamat jupanakajj amuyasipjjañapataki, Arunakam toqe parlir ist'asajj, Juma pachpa yant'asisma, ukat parlapjjita uka muspharkañ Arumampi, ukatsti mä qhanañchäwimpi, Jach'a luratanakamajj cheqäta uñacht'ayasiski aka Bibliarjjama.

136 Nayajj maytwa Dios, jichhajj juchanakajj pampachapjjita, ukat kunjjamti nayajj aka Aru patjjar sayt'kta ukjjama. Dios Täta, nayajj lup'iskayatwa mä semana nayrajja, Nayajj—nayajj mä jiwat jaqiruw aka pampan jipjjatayäta. Uñjayatwa uka Jach'a Qollan Ajayur uka jaqir jaktayir wastatampi. Nayranakapas qhipjjar kutt'äta, jupajj jiwatajjanwa, ukat mä qawqha juk'a Arunak sutip jawsir, nayajj jakatatir uñjta. Akajj jupajj akawjjankaskiw jichhurujj, jupajj jakaskiwa.

Tatäy, Jumasti pachpa Dios ukasttaw kunjjamti Pablo chachajj kunapachatī jupajj jipjjatäna uka waynaru khititi isch'ukiskäna kunapachatī Pablo chachajj wali jaya pacha parläna, uka waynajj ukas ventana toqitwa jaqoqtäna. Jumajj pachpa Dios ukasttaw jiwatanaks jaktayasmawa.

137 Taqe ukanakatwa yuspagarapsma, Tatäy, churapjjitäy...Jan iyawsirijj inas jan iyawskaspati, ukapis nanakajj iyawsapjjtwa, Tatäy, Jumaw nanakar uñacht'ayasipjjtajj. Jichhasti, churapjjitay chuymanakajjan lup'iñataki, ukat amuyunakajjan aka p'iqin, nayan ch'amajja taqe ukanaka, ukat taqe kunas aka Arump tukkhatapan. Ukat uka Arumpi nayampi mayakipjja, Tatäy, aka jaqinakampi, Dios Awkin Reinopar sarañataki. Tatäy churapjjakitay ukanaka. Panpachamaya nanakan juchanakajja, qollt'arakimay usutanakaru; ukat Reinoman apnaqat tukuyapjjita. Ukat jichhajj, Tatäy, khitinakati jutasipki, uka phuch'us bautisasiñatakijj wakt'ayatajjiw, uka umas wakt'ayatajjiw, uka bautismo mä juk'a pachatjj qalltañaniwa, amtasktanwa kunapachatī uka pachpa Evangelio parlatäna, Bibliajj siwa, "khitinakati iyawsapjjäna, bautizataw uñjasipjjäna" Tatäy, akawjjanj utjarakiw uka pañuelos, nayajj bendiciwaytwa Jesucriston sutipjjaru, usutanak qollasiñapataki.

138 Ukhamajj kunapachatī servicionakajj jaya pachäki ukhajja, wali jayakijja, kunalaykutejj orasanakajj janq'akiw sarawayi, jiwasajj Arunak phawañasaw orajijj utkipanjja yapuchañataki, kunalaykutejj thaya juyphi pachajj jak'achasisinkiw, uñjtanwa jiwasanakajj, uka laphinakajj niyaw jalaqtasinki, ukat juyphi pachajj jak'ankjjatap yattanwa. Ora q allsusaw uka jatha uskt'añasa. Ukhamajj nayajj mayismaw, alajppachankir Awki, Jumajj parljjayasma sapa qat chuymaru. Ukat Biblianjj siwa, khitinakati iyawsapjjäna bautizataw uñjasipjjäna. Ukat Tatäy, janiti akan iyawsirinakajj utjkhejj ukhajja, ukat janirak Jesucriston munat wawaman sutipjjarujj bautisatapki ukhajja, jupanakajj jutapjjpan jichha alwatajj, mojjsa ukat alt'at chuymampi, juchanakap arsusisa, ukatsti jiwañataki akapachan kunati utjki ukanakaru ukatjj allintjjañataki, Jesucriston sutip apañataki, jichhat uksarujj Qollan Ajayun yanapt'apampi wali aski jakañataki. Tatäy, jichhajj nanakajj Jumaruw katuyasipjjsma, taqe ukatakiwa, Jesucriston sutipjjaru. Amen.

Jichhajj jilata Neville juparuw aka servicio katuyjjta, inas jupanjj kuna sañas utjchi ukat bautisasiñatakiw wakt'ayasjjañäni... Ukat jichha arumajj paqallqo kimsa chikatani orasarujj, sitejj ukjjam munani Jesucristojj, nayajj grabañ munta yaqha mensaje. Ukhamajj Dios Tatäw bendicipjjätam, jikisiñkamay.



www.messagehub.info

Arsuta arunaka:

WILLIAMMARRION BRANHAM JUPA TUQI.

Uka aruna urunakapansti... Apoc. 10:7